



PARÆNESIS  
*Iohannes* AD *Georgium*  
**SCOTOS,**  
**GENEVENSIS DISCI-**  
**PLINÆ ZELOTAS.**

Autore DAN. TILENO Silesio



ANDREAPOLI,  
Excudit Eduardus Rabanus, Academicus  
Typographus. cl<sup>o</sup>. cl. c. xx.



218712  
AD  
20702  
21702



ANDERSON  
The British Museum, London  
The British Museum, London



PARÆNESIS AD  
SCOTOS,  
*Genevensis Disciplina Zelotas.*

CAP. I.

P R Æ F A T I O.



VÆ olim gentes, ex recepta consuetudine, ægrotos suos in publicum productos promiscuis vulgi oculis exponebant, non ea tantum spe, opinor, id agebant, ut certam ac exploratam singuli recuperarent sanitatem, exquisitis prætereuntium sententiis, quo quis consilio, remediõve, in iisdem vel consimilibus morbis usus, meliusculè habuisset: verumetiam ut quorum insuperabile, penitusque indomitum erat malum, illi discerent ecqua victus ratione mitigari, commodiusque

diusque tolerari posset, quod pharmacis expugnari ac profligari nequiret. Ecclesiæ à DOMINO peregrinantis, & in hoc mundo militantis membra omnia, variis ut mutationum vicibus, sic & spiritalium morborum periodis ac paroxysmis obnoxia esse, nemo cum neget, in genere si quis id quærat; plerique tamen in pervidendis intercutibus malis horrendo scotomate percussi cæcutiunt, adeoque qui non modò parùm rectè valent, sed cum illo *Sardium* Ecclesiæ Angelo, (*Apoc.* 3. 1.) ne vivunt quidem; athleticum robur, gladiatorios lacertos, summa cum coloris & formæ elegantia jactant. Hi cum de accersendis aut consulendis medicis ne per somnium quidem cogitent: suadet tamen Christiana charitas, vel invitis miscere ac propinare aliquod catharticum, atque ut loquitur *Hieronymus*, etiam reluctantes *Hippocratis* vinculo alligare. Vix ulla unquam tam fœda existit hæresis, quæ non puræ putæ veritatis titulo elata & inflata superbierit: neque aliter res habet in regimine Ecclesiastico, seu disciplina, quæ doctrinæ vel soboles, vel soror natu minor non ineptè dici potest. Quod de fratrum quodam pari narrat ille Medicorum Princeps, tantam fuisse temperamenti, morum, humorumque in utroque similitudinem, ut ægrotare ac convalescere simul inciperent, ac desinerent: id in gemellis illis sororibus videre est: simul valent ac languent; altera ab alterius habitu & spiritum & colorem ducit. At quando non eadem est indoles ac ratio morborum qui natura

turale



turale hominis, & qui mysticum Ecclesiæ corpus infestant: (ex illis enim multi faciles cognitu, difficiles curatu; in istis cognitio sæpe, quam curatio operosior:) saltem hætenus benè res habet, quod de morbo ac canone, unde iudicium de morbis istis (sive doctrinam, sive disciplinam labefactantibus) faciendum; optimè inter nos convenit, ipsi quæ fratres *Scoti* (quorum in spem gratiæ suscepta à nobis hæc scriptiuncula) non aliis quàm Sanctuarii ponderibus totum hoc negotium expendendum, neque aliis pharmacis quàm sacra illa panacea, in horum morborum curatione utendum esse dicunt. Præterea si rectè olim apud *Ægyptios* non unus idemque omnibus morbis, sed cuique peculiaris ac destinatus adhibebatur medicus; isque cæteris peritior ac felicior quoque existimabatur qui ipse, eo quem curandum susceperat, morbo aliquando laborasset; equidem confido, non prorsus infrugiferam fore operam nostram, si qua ratione grassantem in meis visceribus luem depulerim tandem atque eliserim; fratribus *Scotis*, eâ laborantibus commonstrem ac communicem: ut vel sanati, non *Æsculapio Gallum*, sed *I E H O V A E* liberatori poculum salutis exhibeant; vel si qui familiare caecoëthes suum amare, quàm sanare; fovere, quàm noscere malunt; saltem erga sanos ac sobrios minùs morosè se gerant: & qui hætenus alios secum effascinate atque efferare consueverunt, mitiores se posthac præbeant benè monentibus; cumque τὸ νοσοῦντων eos delectet, cives suos ac populares

lares *ῥοποδοποιεῖν* ne recusent. Ego igitur cum in illo *Genevensis* disciplinæ valetudinario nimis diu verſatus epidemicum morbum ex parte agnitum, accuratius perno cere omneſque ejus fibras evellere œccepiſſem, qui credula ſimplicitate antea nefas putaram, quicquam eorum quæ ex illis adytis promanaſſent, ad calculos vocare; tandem al. quando aurem vellente Numine, excuſſo veterino expergefactus, ac ſervitutem hanc, non fidem ratus; duo deprehendi, quorum alterum cum Scriptura commendet; alterum, ignoret; demiratus ſum, fratres *Scoti*, illud vobis ſummè inviſum, iſtud impenſè charum eſſe. Prius illud eſt Episcoporum ordo & ſupra Presbyteros *ὑπεροχῇ*, cujus vos in Scriptura neque volam neque veſtigium videre aſſeritis: poſterius iſtud eſt Laicorum Presbyterorum inſtitutio, quam in Scriptura dilucidè & pluſquam uncialibus literis expreſſam videre vobis videmini; ne quis dubitet, utraque cæcitatſ ſpecie vos laborare, dum & quod eſt, non videtis; & quod non eſt, videre vos putatiſ. Sed bene habet, quod collyria, utrumque ſcotoma perſanare idonea, non vobis minus, quam *Laodicene* Eccleſiæ Angelo obvia ſunt & expoſita; modo quod huic datum eſt conſilium, ad vos quoque pertinere cogitetis. Illa ego meis illita oculis, ſaluberrima expertus cum fuerim, qua id fecerim ratione ac modo; tam propenſa alacriſque voluntate à me expromi & exponi, quam æquis auribus animiſque id a vobis accipi par eſt.


C A P. I I.

Distinctio Ministrorum sub legis OEconomia



Rincipio πολυθρύλλητον illud de Ministrorum Ecclesiae ἱερωσύνη & ἀqualitate placitum, crebrius & celebrius inter Genevenses Magistros jactari, quam probari animadverti: quippe cujus praxis neque a Moise sub Legis OEconomia, neque sub Euangelii gratia a CHRISTO fuerit instituta: Illic in uno eodemque Sacerdotio dispares & inæquales Sacerdotum & Levitarum; hic verbi præconum gradus constitutos videmus apertissime, si cæci esse nolumus. Illic non modo Sacerdotes supra Levitas eminebant, sed inter ipsos quoque Sacerdotes varii erant gradus & ordines. In summo Sacerdote seu Pontifice, non typi solum, sed εὐταξίας quoque ratio conspicua: neque enim ille typum gessit CHRISTI respectu Regiæ & Iudiciariæ potestatis, quam habet CHRISTVS; qui alioqui tam secundum ordinem Aarons, quam secundum ordinem Melchisedeci, Regis & Sacerdotis dignitatem habuisset. Præterea qui in veteri Testamento Patres & capita Sacerdotum; in novo ἀρχιερεῖς, Sacerdotum Prin-

Principes appellantur, in 24. ταγματα à Davide distributi (מִשְׁמֶרֶת כַּהֲנִים פְּקֻדֵּי vocant Hebræi, Græci Διαρίσεις, επισκέψεις, κλήρες, ἐφημερίαις:) ut videlicet singulæ familiæ certis hebdomadam vicibus ministerium obirent: hi omnes non solum ordine, sed etiam potestate inferioribus Sacerdotibus erant superiores. Est igitur omni luce clarius, omni probatione notius, noluisse DEVM priscam Israelitarum Ecclesiam ab omnibus Sacerdotibus ac Levitis, pari inter se auctoritatis gradu præditis, gubernari; sed aliis imperandi auctoritatem dedisse, aliis parendi necessitatem imposuisse, non minus in Ecclesiæ, quàm in Reipublicæ regimine. Vide Num. 3. 1. Chren. 23. & 24. Nebem. 11. 22.



## CAP. III.

*Distinctio Ministrorum Evangelii.*

AM verò non minus clarum, notumque, CHRISTVM in novo fœdere alios dedisse Apostolos, alios Prophetas, alios Euangelistas, alios Pastores & Doctores. Agnoscitis mecum, opinor, fratres Scoti, graduum non minus, quàm donorum disparitatem. Verùm excipitis; extraordinarias functiones ac

temporarias, cum ordinariis ac perpetuis perpe-  
ram à me misceri ac confundi. Apostolum igitur  
audite docentem, quorsum ista munia ac gradus à  
CHRISTO instituti, in quem finem referendi,  
quam diu retinendi, quando desituri: sic ille: *Ad in-  
stitutionem Sanctorum, ad opus ministerii, ad ædificationem  
corporis CHRISTI: donec evadamus omnes in unitatem fi-  
dei, & agnitionis Filii DEI, in virum perfectum; ad mensu-  
ram stature adulti CHRISTI, ut ne simus amplius pueri,  
qui fluctuamus & circumferamur quovis vento doctrinae, &c.*  
*Epbes. 4. 12. 13. 14.* In altero demum seculo id fu-  
turum testatur ipsemet Beza disciplinæ vestræ si  
non conditor, saltem instaurator & assertor accer-  
rimus. Quantisper igitur in hoc seculo versatur  
Ecclesia, sicuti Sanctorum κατὰ ἔργοις, operi mi-  
nisterii, ædificationi corporis mystici; ita & mune-  
ribus illis, diversisq; munerum gradibus locus  
est: planè ut in seculari militia penes unum quidem  
est summum imperium ac potestas ἀντοκρατορικῆς;  
sub eo autem Legati, Tribuni, Centuriones, hisque  
adjuncti Optiones, suum quisque ordinem ducit,  
nec unquam in alterius præfecturam involat. Num  
à solis sacrae militiæ castris exulabit ταξίς? quæ,  
(ut ait Nazianz, de moder. in disp. serv.) μὴ τῆς  
τῶν ὄντων ἐστὶ καὶ ἀσφάλεια; Rursus audite Pau-  
lum: Num omnes Apostoli? num omnes Prophetæ? num om-  
nes Doctores? (*1. Cor. 12. 29.*) Est igitur totius quidem  
συστήματος, mysticiq; corporis, τὸ κῆρ & τὸ  
κράτος, ac summa potestas penes solum CHRIS-  
TUM, unicum illud Caput, quod Pater cœlestis  
hujus

hujus corporis molitor & architectus ex carne & ossibus nostris concinnatum, ei imposuit. Ceteri verò ab hoc Imperatore delecti ταξιάρχαι, iis, quibus ei visum est, gradibus inter se distincti sunt: adeo ut non minus Apostolus Prophetæ; Propheta Evangelistæ; hic Pastore vel Presbytero; Presbyter Diacono; Diaconus Privato, sive Laico præstet; quàm Legatus Tribunum; Tribunus Centurionem; hic Optionem; iste gregarium militem dignitate & potestate antecellit.



## CAP. IIII.

*Functionis ordinariæ & extraordinariæ distinctio.*



N M igitur, dicetis, superstites adhuc, aut ex αὐτῶν reduces habemus Apostolos, Prophetas aut Evangelistas? aut Episcopi etiam τῶ τυχεῖν, ordinatio vel consecratio, ejusdem prorsus notæ Legatos ac Tribunos CHRISTI nobis exhibebit, quos non nisi ab ipso militiæ hujus Imperatore CHRISTO ἀμείωνες, ut vocari, necessarii que donis instrui; sic & copiis suis præfici posse, persuasum habemus? Sic igitur habetote: In functionibus, quas extraordinarias ac temporarias fuisse pertenditis, nos quidem multa extraordina-  
ria



ria ac temporaria vobiscum agnoscimus; ipsas autem functiones, *ἁγιωδῶς* acceptas, non nisi ad brevissimum illud tempus, quo Apostoli in carne vixerunt, institutas fuisse, falsissimum est. Fuerunt sanè illi à CHRISTO immediatè vocati, missi quæ, testes ejus *ἀποστόλοι*, nullis certis finibus circumscripti, sed ad universum terrarum orbem obeundum, præconiique sui luce collustrandum destinati, à Spiritu sancto ita eruditi, ac gubernati, ut in excitando spirituali Ecclesiæ ædificio, nihil nisi purum putum aurum, vel in fundamento ponerent, vel in parietibus ac tecto superstruerent. Fuerunt hæc in Ecclesiæ primordiis, inchoando operi, & tum convertendis infidelibus, tum confirmandis fidelibus, gliscente hostium Evangelii rabie & immanitate, planè necessaria charismata, quibus acceperunt & alia, miraculorum, sanationum, linguarum, rerum occultissimarum intelligentia, futurarum prædictio, &c. sed hæc aliis quoque concessa, Apostolorum non fuerunt propria. Postea verò constitutis Ecclesiis, circumlatoque per orbem evangelismo, dona illa continuari ac perennare, necesse non fuit; cum & tabulæ fidei præstò essent, ad doctrinæ, ipsiusque etiam CHRISTO probatæ disciplinæ declarationem, & miraculis olim editis, utraque etiam hodiè obsignetur: ipsas autem Apostolici muneris partes essentielles, quæ in verbi prædicatione, Sacramentorum administratione, & disciplinæ gubernatione spectantur; non magis quàm ipsam CHRISTI Ecclesiam, evanescere aut aboleri



aboleri oportuit. Ne vos quidem, fratres *Scoti*, graduum inæqualitatem inter Pastores, in verbo laborantes & Presbyteros, morum Præfectos; inter hos, & Diaconos pauperum curam gerentes, negare sustinetis; hoc unum ferre non potestis, ut Pastor Pastori, Presbyter Presbytero præstet aut præsit: Quasi cum *Paulus Timotheo*; *Petrus* (*συμπεροβύτερον* se vocans) aliis Presbyteris mandata dedit; ille Pastor, iste Presbyter esse desiisset: aut quod priscis Ecclesiæ temporibus, aureo quæ illo Apostolorum ævo divini fuit instituti; hodiè pro humano, aut etiam satanico habendum esset commento: aut denique ipsi Episcopomastiges satis inter se convenirent, dum potestatis clavem, (cujus in excludendis contumacibus, & ordinandis Ecclesiæ Ministris usus est;) alii universo cœtui; alii Senatui aut Presbyterio ex Pastoribus & Laicis Senioribus constituto; alii solis Pastoribus & Doctoribus, sed æquè omnibus citra cujusquam *ὑπεροχῆς*; alii Pastoribus quidem, non tamen omnibus, sed quibusdam ætate solum vel eruditione ac prudentiâ, non potestate ac gradu superioribus, attribuendam esse sciscunt. Super hoc negotio magna animorû contentione & acerbitate in *Gallicis* ac *Belgicis* Ecclesiis ante aliquot annos dimicatum fuisse, compertum cum haberem; suspicatus sum fieri posse, ut non protinus melior sit sententia, quæ tandem, ut potior, (in illis, quas dixi, Ecclesiis, ab Episcopali regimine abhorrentibus) obtinuit; frequenter quæ usu venire; ut ubi numerantur, non ponderantur

suf.

suffragia, major pars vincat meliorem. Quocirca subduet à ex isto discrepantium & adversis frontibus pugnantium opinionum *Euripo*, cymbâ meâ, totaque velificatione ad veritatis in Scriptura lucentis, *Cynosuram* directâ; adhibitis etiam in consilium doctissimorum virorum, qui in *Britannia* hoc argumentum tractarunt, scriptis (quæ *Genevensis* disciplinæ fascino captis attingere, religio est) deprehendi tandem, (DEO sit gratia) manifesta verbi Divini auctoritate & praxi Apostolica niti, quod antehac (Magistrorum fidem sequutus) non nisi ab humano instituto ortum habere existimaveram. Perspexi *Sosthenem*, *Silvanum*, *Timotheum*, *Titum*, *Tychicum*, *Crescentem*, *Lucam*, *Ioannem*, *Marcum*, & si qui præterea tales; à *Paulo* ad Ecclesiæ ministerium proximè vocatos, ac tum gregibus, tum pluribus gregum Pastoribus præpositos, eumpse, quem ex germana illa Antiquitate retinuerunt *Angli*, Episcopatum gessisse, acceptamque à *Paulo* potestatem, non tantum ad tempus usurpasse, sed ad posteros quoque transmisisse; adeo ut quam necessariū est Ecclesiæ, verbi & Sacramentorum ministerium; tam sit in hoc ministerio perpetuum jus illud ac potestas instituendi Ministros, non minus gradibus, quam dotibus inter se diversos: ita ut gradu superiores, pluribusque Ecclesiis præfecti, judicent de inferioribus, unum duntaxat gregem pascentibus; institutasque contra hos accusationes, vel admittant vel repellant; legitimè convictos palam arguant; nemini citò manus imponant; nihil

nihil partium studio aut καὶ πρόσκλησιν, omnia  
χωρὶς περὶματῶ, sanctè ac religiosè admi-  
nistrent, (1. Timot. 5. 19. 20. 21. 22.) Tempora-  
rias in Ecclesia has functiones esse qui statuit, ip-  
sam Ecclesiam temporum vicibus tandem ever-  
rendam ac pessundandam putat.



## C A P. V.

*An Timotheus & Titus fuerint Evangelistæ.*



Æterum quod mihi à Genevensi-  
bus Magistris persuaso visum, id  
vobis quoque in eodem ludo  
edoctis & eductis, videri, non  
miror. Hariolati sunt illi Timo-  
theum, Titum & reliquos illos τῶν  
Συνεργῆς, Evangelistas fuisse.

Ruenti hariolationi adhibetur fultura ex loco, 2.  
Tim. 4. Vers. 5. ubi Timotheus juberetur peragere  
opus Evangelistæ. Poterat non absimili suffra-  
gatione, etiam in Apostolorum collegium coopta-  
ri Timotheus ex loco, 1. Cor. 16. 10. Vbi ille dicitur  
opus DOMINI operari, sicut Paulus Apostolus.  
Cum eam, qua antehac laboravi, μετεωρίαν καὶ ἀε-  
λειαν recordor, vestram, fratres Scoti, aliorumq;  
in eodem luto hærentium, minus miror, minus  
insector supinitatem & oscitantiam: Est ea tamen  
in vobis

in vobis, sicuti & in me fuit, plane ἀπαρίτη. Euangelistas propriè ac strictè acceptos, constat ex authenticis N. T. tabulis, à CHRISTO non minus immediatè vocatos fuisse, quàm ipsi fuerunt Apostoli. *Timotheum* verò, discipulus cum esset, fratrum, qui *Lystris* & *Iconii* erant, testimonio ornatum, & à *Paulo* ad ministerium verbi adscitum fuisse, legimus exsertè (*Act. 16. Vers. 2. 3.*) Presbyterium de quo *1. Tim. 4. 14.* sive cœtum ac collegium Presbyterorum significet, ut vult *Beza*; sive munus à *Paulo* per manum impositionem demandatum *Timotheo*, ut vult *Calvinus*; cui ego assentior: nihil ad Euangelistam propriè dictum; neque enim quod extraordinarium duntaxat & temporarium est munus, ab ordinariis Ecclesiæ Ministris cuiquam potest mandari; neque Presbyter qui ordinatur, idem Euangelista, quales fuerunt illi *LXX.* dici potest. Hi enim ab ipso vocati & instituti, hominis ψιλῆ institutionem & præcepta, qualia *Timotheus* à *Paulo* non pauca accepit; minimè desiderant. Proinde si à *Lystricæ* Ecclesiæ Presbyteris ordinatus fuit *Timotheus*, uti autumat *Beza*; ac pluribus *Asiæ* Ecclesiis fuit præpositus, quibus singulis singulos dedit Pastores, quemadmodum *Titus* *Cretensibus*, uti præceperat *Paulus*; dubitabimus ne adhuc, Pastorem unum, idoneis dotibus instructum, pluribus, non modò gregibus, sed etiàm Pastoribus legitimè præponi? pergemusve sponte cæcutire in pervidenda illa hypotyposi Ecclesiasticæ gubernationis, prout eam ipse *Paulus* penicil-

lo suo nobis delineavit, exemploque expressit? Num extraordinarii nobis erunt ac temporarii Canones illi in Epistolis ad *Timotheum* & *Titum* perscripti? Cur igitur nostrorum Pastorum ordinationes ad hanc normam exigimus? Alia quoque occurrit in *Genevensibus* placitis hallucinatio, quòd extraordinarium cum temporario confundunt; quasi extraordinarium quod est, idem temporarium esse necesse sit, perpetuum esse non possit. Atqui ut inauguratio *Aaronis* ad Sacerdotium, licet extraordinaria, non tamen propterea *Aaronis* morte fuit finita; sed principium fuit & fons successio-  
 nis ordinariæ: sic etiam si extra ordinem, & ab ipso **CHRISTO** immediatè vocati fuissent *Timotheus* & *Titus* (quod falsissimum esse modò ostendimus) non tamen hinc efficeretur, plurium Ecclesiarum præfecturam ipsis solis commissam, non item aliis (quibus ipsi acceptam à *Paulo*, vel etiam à **CHRISTO** lampada tradidissent; vel quos Ecclesia in demortuorum locum suffecisset) committi potuisse. Quocirca tam illi, quàm alii plures ejusdem notæ ab Apostolis adsciti *Συνεργοί*, in eo quod ordinarium, essenziale ac perpetuum habet Apostolatus, jure merito eorum Collegæ dicuntur: Ac propterea *Paulus* in quibusdam Epistolis, modò *Sosthenis*, modò *Silvani*, modò *Timothei* nomen, cum suo conjunctum præscribit: & *Epaphroditum* (quem *Philippensium* Episcopum fuisse, veteres constanter asseverant) non modò fratrem & collegam & commilitonem suum, sed etiam illo-  
 rum

rum Apostolum vocat; nempe quem ipsis præfecerat, ut non solum multitudini, sed etiam Episcopis ac Diaconis; id est, Pastoribus ac Presbyteris, (qui illis temporibus promiscue ac communiter dicebantur Episcopi & Presbyteri) præisset (*Philippens. 1. 1.*) quomodo locum hunc *Theodoretus*, *Chrysostomus*, *Hieronymus*, *Ambrosius*, aliique expouunt. Hinc illa *Philippensium* de *Epaphrodito*, & huius vicissim de illis cura ac sollicitudo. (*Phil. 2. 25.*)



C A P. V I.

*Nominum Episcopi & Presbyteri communio & officiorum distinctio in primitiva Ecclesia.*



QVÆ in Ecclesiæ primordiis inter Episcopos & Presbyteros erat nominum communio, graduum disparitatem non labefactat. Locus fuit non solum communioni nominum, sed etiam æqualitati graduum, inter ipsos, tantisper dum Apostoli, Evangelistæ, eorumque *Συνεργοί*, generales quidam fuerunt omnium Ecclesiarum Episcopi. Illis fato functis, & multiplicatis Ecclesiis, opus fuit Episcopis, qui eadem pollerent auctoritate, quam *Timotheo* ac *Tito* collatam,

in Ecclesiastico regimine continuandam sanxerunt Apostoli. Nam ex iis quæ *Paulum* cum istis egisse legimus, colligimus ἀναλόγως, quid hac in re reliqui Apostoli, cum aliis alibi egerint; quamvis ea sigillatim perscripta non sint. Quantulum enim est quod de reliquorum Apostolorum actis sacrarum literarum monumentis consignatū habemus? Eos tamen non minus quàm *Paulum* de Eccl. propagatione sollicitos, mandatoq. sibi munere perfūctos, Spartam suam ornasse credimus. Fatendum utique non solū plantatas ab Apostolis Ecclesias, posterorū ministerio fuisse rigandas & colendas; sed novas quoq. plantādas ac colligendas: ad quarū constitutionē, eādē, qua præditi fuerūt primi, auctoritate opus fuit. Vnde patet, quantopere fallantur, ac fallant, qui asserunt, omnem Apostolicam potestatem ac *πολιτείαν* (Apostolorū morte finitam) cum singularibus illis quib⁹ supra ceteros eminuerunt, donis penitus evanuisse. Si nō unius Episcopi auctoritate, sed cōmuni Presbyterorū consilio Ecclesias regi voluit CHRISTVS; si nō sine tyrannica usurpatione plures Ecclesiæ, & Pastores uni unius, sive diœceseos, sive provinciæ, Pastori vel Præsuli possunt subjici; unde obsecro tantus ac tam repentinus omniū, quotquot per totum terrarū orbem ab Apost. collectæ ac constitutæ fuerunt, Ecclesiarum atq. ipsorū etiam Presbyterorum, in tyrannicum hoc regimen consensus? Esse hoc longē antiquissimū institutū, nullumq. ejus certū post Apostolos auctorem & ἀρχηγίτῳ nominari posse, ne  
Magi-



Magistri quidē vestri diffitētur. Canones qui i Apo-  
stolorū dicuntur, ab ipsis quidē Apostolis conditi  
non sunt, vetustissimi tamē sunt: Horum unus non  
solūm singularum gentium Episcopos, sed etiam  
eum qui in quaq. gente sit primus, i. Metropoli-  
ten cōmemorat; eumque tanquam caput à cæteris  
òbservari præcipit. Concilii *Antiocheni* Canō nonus  
Apostolicum illum repetit, & luculentiùs exponit;  
simulq. magni cujusdā, ex vestris, Magistri (cujus  
nomini parco ( *᾿ανιστορησι᾿αν* prodit; qui illos dig-  
nitatum inter Archiepiscopos & Patriarchas gra-  
dus, à *Niceni* Consilii sanctiōne arcessit. Quasi san-  
ctio eople quo fit momento, antiqua consuetudo  
appellari possit; quemadmodum Canon 6. Cōcilii  
*Niceni*, illam præfecturarū distributionē vocat τὰ  
*᾿αρχαῖα* ἔθνη, antiquos mores; quos confirmat  
quidem ac porrò vigere vult, at non primū in Ec-  
clesiam invehit. Nec omnino dissimulāda ejusdem  
Magistri *᾿αβλεψία*, qui *Athanasium* eidem Cōci-  
lio præfuisse hariolatur; quem nōdum Episcopum  
sed Diaconum duntaxat & penè adolescentem eo  
tempore fuisse norunt qui nondum are lavantur.  
In ipsis quoq. *Cænobiis* Monachorum præfecti suos  
habebāt Vicarios & *Δευτέρως προεσῶτας*, ne con-  
tingeret cellatione τῶ προεσῶτ & δημοκρατι-  
κὸν τι γῆμα μεταλαμβάνειν τὴν ἀδελφότητα,  
Ne cœtus fratrum acciperet aliquod regimen de-  
mocraticum, ut testatur *Basil.* (in *Ascet. quæst.* 45.)  
Dicant verò quibus hoc unum est turpissimum;

*Quæ juvenes didicere, senes perdenda fatori.*

Quinam fieri potuerit, ut rem, à CHRISTO (ut isti volunt) prohibitam (eoque nec ab Apostolis institutam, & tum Presbyteris, tum Ecclesiis non minus ingratam, quàm inimica est libertati tyrannis) tanto consensu atque concentu amplexæ fuerint ὁμοῦ καὶ ἁμα omnes totius terrarum orbis Ecclesiæ; non solum quæ gentis aut linguæ communis inter se vinculo erant consociatæ, sed etiam quæ maxima locorum intercapedine, linguarum, rituum aliorum, ac morum discrepantiâ distantes, solius fidei compage inter se coagmentatæ coaluerunt? Nemo unus omnes; neminem unum omnes fefellerunt. Hujus verò instituti si unus vel plures fuere auctores, quis non miretur, non magis hominem quàm tempus; non tempus magis quàm locum, ubi res cœpta, notari posse? Neque ullum hujus erroris indicem ac libertatis vindicem exortum, aut contra hiscere ausum, ante natum Aërium? (Qui circa annum 340 primus hanc ἐνταξίαν conturbare aggressus frustra fuit.) Ab omnibus ille tum Presbyteris, tum Episcopis, ὁμοψήφως καὶ ὁμοφύχως explosus, nullos invenit, qui ad pileum ab ipso vocati, commentitiam hanc Ecclesiæ libertatem irent vindicatum. Sunt, fateor, ritus nonnulli quorum ortus ignoratur, [cujusmodi est Eucharistiæ infantibus, ut reliquis νεοφωτίστοις præberi solitæ, ritus; itemque mellis & lactis prægustatio, (Infantationem vocat Tertullianus:) & alii complures] verum illi neque ab uni-  
versa

versa totius orbis Ecclesia ubique recepti, & à multis jam seculis desiti vel potius rejeſti. De Episcopis exautorandis ante Aërium nemo, poſt Aërium ſoli *Genevenſes* cogitarunt. Multoq̃ue longiùs quàm Aërius proveſti, novum & in Ecclesia prorsus inauditum genus Laïcorum & temporariorum Presbyterorum, ad docendum non magis quàm aſini ad lyram aptorum, excogitarunt. Non minùs infeſtus erat Pontifici Romano *Lutherus*, quàm *Beza*: ille tamen (quamvis nullum non lapidem moveret, in diſturbanda *Babylonis* turre) de gradu quem legitimi (quales *Anglia* habet) Episcopi obtinent, litem movit nemini. Compertumq̃ue habens rem ſine Eccleſiæ perniciæ abrogari non poſſe (quod unum potuit) nomen ſuſtulit, inductoq̃ue & expuncto puriore vocabulo *Græco*, parùm *Latinum* ſuppoſuit, pro Episcopis Superintendentes; pro Archiepiscopis Superintendentes generales appellans: quæ nomina ne illi quidem aſpernantur, qui per *Germaniam*, *Sarmatiam*, finitimasq̃ue regiones, excuſſo Pontificis jugo, non omnia *Lutheri* dogmata probant. Sed è vobis eos, qui antiquitatis inſtituta omnia, tanquam deliræ anus, aut fatuæ alicujus Faunæ nugas ac rugas, ſannis ac ſputis excipere, penitusq̃ue ex Eccleſiis veſtris furcillare, à *Genevenſibus* præceptoribus didicerunt; non magis movebit, quid *Lutherus* *χθὲς* *ἡ* *παλὴ*, abrogaverit aut ſubrogarit. Ex *Genevenſis* alicujus Phœbi tripode ac cortina promendum eſt oraculum. Fatetur *Beza*, idque in ſua fidei

Confessione, distributionem provinciarum, constitutionem Metropolitanorum & Patriarcharum, optimo zelo factam. Potestne optimus esse hic zelus, si verbi divini luce ac scientia destitutus, Antichristo, ut vos quidem putatis, viam ad occupandam tyrannidem munivit, tandemque Satanicum nobis Episcopatum peperit? profectò non tam optimus zelus, quàm pessimum scelus videri queat illud institutum.



## CAP. VII.

*Triplex Episcopatus secundum Bezam.*




Rimus Beza, qui tabernaculi illius (quod unum suscipitis, quod succollantibus Pastorib<sup>9</sup> & Presbyteris vestris laicis, per omnes reformatas Ecclesias circumferri cupitis) Bezael merito suo apud vos audit; primus ille triplicem procudit Episcopatum; Divinum, qui paulo post degeneravit in humanum, ex istoque in Satanicum. Quasi quot Episcoporum, totidem Episcopatum sint formæ ac differentix: & quia inter Christianos, quidam sanctè & relligiosè vitam ducunt; nonnulli variis infirmitatibus laborant: plerique teterrimis sceleribus ac flagitiis sunt in-

qui-

quinati; triplicem propterea cogamur facere Christianismū: aut non aliter inter se differant Episcopi Christianæ Ecclesiæ, quam differebant *Aaronis* posterī à Sacerdotibus *Ieroboamicis*; utriq. à *Balaamitis*, Ethnicorum deunculorum cultoribus. Discrimina hīc sunt non solum Sacerdotum, sed & Sacerdotiorum. In Christiana verò Ecclesia non nisi unus est Episcopatus, divinitus, ut hætenus ostensum, institutus; licet humanarum traditionum fermēto, vel etiam Saranicarum superstitionum veneno variè possit inquinari: quemadmodum & Leviticum Sacerdotium, ἀναντιρρήτως divinum, per filios *Heli*, aliosque permultos, itemque per altaria in Excelsis passim exstructa, fuit contaminatum. Sacri-legia erant duo posteriora, nō Sacerdotia. Parumq. sibi constat *Beza*, si humanum Episcopatum tolerabilem, aut etiam optimo zelo institutum existimat. Quandoquidem humana prudētia, secundum ipsius κυρίας διόξας, in rebus divinis, etiam in Ecclesiæ regimine constituendo sit D E O inimica, mortemque afferat. Nam prudentia, quæ non est ἀνώθεν κατερχομένη, planè est non solum terrena & animalis, sed etiam δαιμονιώδης; id est, Satànica, ut testatur *Iacobus* (Cap. 3. Vers. 15.) Ipsius *Petri* prudentia tanquam Satànica, traducitur à C H R I S T O, *Matth.* 16. quia, imprudens licet, Satànæ negotium agebat. Quæ cum minimè ignoraverit *Beza*; nescio cur triplicem confinxerit Episcopatum; nisi forte *Ῥαμί Διχοτομίαν* perosus,

perosus, & à divinis ad diabolica, nullum, nisi per humana, transitum dari ratus, trimembri partitione uti voluit. Non ita *Beza* præceptor *Calvinus*, cujus extat Epistola ad veterem amicum, factum Episcopum: In ea primum de pii & Christiani Episcopi officio differit; deinde quot quantæque difficultates illud in Ecclesia *Romana* rectè administrare volenti, objiciantur, commemorat; atque hoc pacto adnata Episcopatu est Papatu vitia & inquinamenta, à divina institutione distinguit, ac discernit. Satanicus Episcopatus à Satana institutus est, in quo cum omnia sint Satanica, ab homine Christiano neque geri, neque suscipi potest legitime. Hujus *κόμματος* est unius *Romani* Pontificis Episcopatus, si modò Episcopatus dici potest. Omnino enim aliquid Episcopatu augustius & sublimius esse creditur ista, quam in omnia Ecclesiarum jura, in divinas, humanasque leges, in Regum sceptræ, omniumque hominum conscientias *ἄνθρ* ille vice-deus arripuit, potestas; cujus tamen nemo nisi Episcopus, est capax. Aliorum in Papatu Episcoporum administratio, licet multis modis deformata, emendari tamen potest & reformari: Vicariatus ille, (cùm non magis quàm merum pus atque venenum expurgari possit) totus est à medio Ecclesiæ tollendus, & in abyssi, unde emerfit, puteum abjiciendus.



## C A P. V I I I.

*Dignitatum Ecclesiasticarum vocabula  
fastu carere.*




I igitur (quod Beza fastus est) optimo zelo facta est illa provinciarum distributio, Metropolitanorumque & Patriarcharum constitutio; haud certè optimo zelo fervent plerique vestrum; qui illa dignitatum vocabula non secus ac Antichristi excrementa execrantur. Qui aliis mitiores videri volunt, ea tanquam seculi typhum spirantia, à servis CHRISTI (quorum præcipuum ornamentum est modestia & animi demissio) aliena esse, legitimeque usurpari non posse sciscunt. Quasi verò in signis & vocabulis sit fastus; ac tum demum optime habitura sit Ecclesia, cum Pastores abjectis Episcoporum, Archiepiscoporum, & Primatum titulis, fraterculorum illorum (qui minores & minimi dici gaudent) nomina assumpserint. Nempe non solus Diogenes Platonis, sed vestri quoque Ministri, Episcoporum fastum alio calcant fastu. Neque ramen ullum fastus vestigium in nomenclatura Episcopi, quæ inspectionem; id est, curam ac sollicitudinem pervigilem



gilem denotat. Honoratior utique Presbyteri, sive Senioris appellatio, unde Senatores (quæ non levis in Republica est dignitas) dicti. Non igitur in nomine est fastus, sed in stomacho vestro fastidium. Speciosior foret querimonia, si Presbyteri nomen solus in Collegio illo *πρεσβυς* sibi allerreret, relicta reliquis Episcoporum appellatione. Multò angustiora sunt vocabula, quibus *DEVS Moſen*, *CHRISTVS* discipulos suos ornat. Illi dicit *DEVS*; *Ego te constitui in DEVM Pharaoni*. Isti vocantur sal terræ, lux mundi, stellæ, angeli, legatione fungentes pro *CHRISTO*. OEconomii mysteriorum *DEI*, &c. Num verò *πρεσβυτης* (quæ *Beza* perplacet) appellatio, omni caret supercilio? Atqui præfecturæ & imperii significationem habet, etiam in politicis. *Romanus* autem Pōtifex servi servorum nomen præferens, ambitionem nō minuit, sed hypocriſi cumulat. Sed nec ipsi *Genevenſes* ministri, eam quam prædicant æqualitatem inter se colunt aut servant. Toto vertice supra collegas eminebat, dum vixit, *Calvinus*: eminebat, reliquisque præfuit etiam *Beza*; sive meriti, sive gradus fuerit ista *ὑπεροχη*, hilum non interest. *Pericles Athenis*, *Romæ Cicero* eloquentiâ; *Crassus* opibus; *Pompeius* ac *Cæsar* rerum gestarum magnitudine potentiam sibi compararunt. Quid refert qua quis parte diadema ac principatus insignia gesserit? *DOMINI* appellationem *Augustus*, ut maledictum & opprobrium semper exhorruit, ne à libertis quidem aut à nepotibus

tibus suis, vel serio vel joco sibi tribui passus est; & in mimo pronuntiata, populiq. plausu & ἐπισημασία comprobata, tanquam indecoram adulationem, statim vultu, manuq; repressit, ac postridie gravissimo edicto increpuit, vetuitque: num propterea minus erat rerum dominus, gentisq. togata? Fuerunt *Geneva*, qui maluissent *Bezam* habere Episcopum legitime creatum, quam ἀνταίρετον καὶ ἀδιαδόχον Presbyterii praesidem; eamque quam in legitimis Episcopis oppugnabat dignitatem, fatali Collegarum omnium ignavia potius quam cujusquam suffragatione, quoad vixit, obtinentem.



## C A P. I X.

*Hieronimi sententia de Episcopi & Presbyteri distinctione.*



VI animadvertunt parum praesidii repositum esse in promiscuo vocabulorum Episcopi & Presbyteri usu, quem in Scriptura cernimus, ubi Apostoli quoque & Diaconi nomina quandoque ponuntur ἀδιακρι-

τως: (in qua tamen nominum communione nemo Ministeriorum aequalitatem, aut graduum confusionem rursus est: ) ii Hieronimi patrocinium advocant; Ait ille (in Epist. ad Tit.) Episco-

Episcopos magis consuetudine, quàm *Dominica* dispositionis veritate Presbyteris esse majores. Sed quid si indidem; id est, ex eadem illa nominum communione, etiam *Hieronymo* errandi occasio fuerit objecta? Ille vero non erravit, si hoc tantum sibi voluit, nempe, quod quæ ex *Dominica* dispositionis veritate utrisque communia erant nomina, ex Ecclesiastica demum consuetudine fuerint distincta. Sciendum vero ea tempestate, quæ id scripsit *Hieronymus*, Presbytero neque concionari, neque baptizare, aut Cœnam DOMINI administrare licuisse, præsentem Episcopo, sine ipsius venia & permisso, ut testatur *Tertull.* (de Bapt.) atque ipsemet *Hieronymus* (adver. *Lucifer.*) & *Possid.* (in vita *August.*) qui mos sola Ecclesiæ consuetudine, nullo CHRISTI mandato nitebatur. Ad hanc igitur *ἐνταξίαν* respexit *Hieronymus*, qui nihilominus alibi (ad *Evagr.*) ordinationem soli Episcopo asserit exsertè; qua in re sicuti præcipuè eminet Episcopi supra Presbyteros dignitas, ita eam manifesto DEI Verbo probari, supra ostendimus. Quod verò ex eodem *Hieronymo* objicitur, nullos fuisse Apostolorum tempore, qui jure suo Ecclesiarum Presbyteriis præessent: sed unamquamque communi Presbyterorum consilio gubernari consuevisse? Id nos quidem haud gravatè concedimus, de illis scilicet temporibus, quibus superstites Apostoli, nullis dum constitutis Vicariis aut successoribus, Ecclesias ipsi subinde invisebant, tanquam generales & Catholici omnium & singularum

rum Episcopi. Cæterum quòd ab ipsis Aposto-  
lis hic ordo fuerit institutus, agnoscit *Hieron.* cum  
ait, (ad *Evagr.*) *Alexandria* à *Marco* Evangelista ad  
*Heraciam* usque & *Dionysium*, Presbyteros consue-  
ville unum ex se electum, & in celsiore gradu col-  
locatum, Episcopum nominare, quomodo si exer-  
citus imperatorem faciat. *Marcum* verò septimo  
*Neronis* anno; id est, viventibus adhuc plerisque  
Apostolis, mortuum fuisse, idem *Hieronymus* testa-  
tur in *Catal. Script. Eccles.* Hic tantum hallu-  
cinatur, quod putat, Episcopum semper ex Pres-  
byterorum duntaxat ordine fuisse electum, cum  
constet sæpe etiam Diaconos ad eum gradum eve-  
ctos; sed hoc leviculum.



C A P. X.

*Ministrorum disparitas evincitur ex Apoca-  
lypsi & Augustino.*



X Epistolis quas ad septem Ec-  
clesiarum *Asiaticarum* Angelos  
*Θεοπνεύτως* scripsit *Ioannes*, fir-  
missimum nectitur argumentum,  
quo gradum illum Apostolicis  
temporibus institutum fuisse  
evincimus. Quorsum enim sin-  
guli Ecclesiarum illarum Angeli, sive Pastores soli  
compel-

compellantur, laudantur, objurgantur, officii admonentur, si quæ in qualibet Ecclesia rectè, vel secus facta, non ipsorum magis quàm communi Presbyterorum, vel diligentia, vel socordia evenerunt? Quid iniquius quàm toto peccante Collegio, ex æqualibus inter se Presbyteris constituto, unum ex iis, cujus exors supra cæteros auctoritas, communem omnium culpam præstare, & reprehensionem, sustinere solum? Indidem refellitur, quod nuperæ & musteæ illius disciplinæ patroni, de circulari, & per vices in orbem redeunte *προσασία* comminiscuntur. Vt omnia conemini, omnibus veterum monumentis excussis, commentu hujus ἑδὲ ὄναρ, ἑδὲ ὑπαρ reperietis. Putatis tamen illud ab Ambrosio statuminari, qui in 4. Epbes. ait, *Primos Presbyteros appellatos Episcopos, ut recedente uno, sequens ei succederet: sed quia cæperunt Presbyteri indigni inveniri ad primatus tenendos, immutatam esse rationem, prospiciente Concilio, ut non ordo, sed meritum crearet Episcopum.* At nihil hoc ad vestram *Andromachen*. Dicit ille Episcopos olim ordine, non electione creatos fuisse, ut videlicet defuncto succederet is, qui vel ætate vel merito proximus fuerat vivo, absq; novorum suffragiorum interventu. Si *κυχλοιδής* fuisset illa Presbyterorum *προσασία*, ecquis obsecro mutationi locus esse potuisset? Nonne unusquisque tempore vicis suæ, atque, ut loquitur *Lucas*, ἐν τῇ ταξὶ τῆς ἐφημερίας αὐτοῦ, fuisset Episcopus, ac præses Synedrij? Neque verò ullus

ullus Presbyterorum impar fuerit illi, qui vobis adlubescit, Episcopatui, cuius non aliæ sunt partes, quàm sententias rogare, Collegarum vel suffragia numerare, vel mandata referre. Non minùs junceum est telum, quod ab *August.* (Epist. 19.) amentatum arripitis: ubi ait, Secundum honoris vocabula, quæ jam Ecclesiæ usus obtinuit, Episcopum Presbytero majorem esse. Sæpe jam factum fuisse tempus, cum vocabula essent communia Episcopi & Presbyteri. In hoc autem cardine versatur quæstio; quando & quibus auctoribus discrimen inter ipsa officia fuerit constitutum? Nos illud si non ab ipso CHRISTO immediatè institutum, at saltem sub Apostolis, & ab Apostolis factum fuisse demonstravimus, antequam illi rebus humanis eximerentur; *Alexandrina* Ecclesiæ Episcopatum gessit *Marcus*, octavo *Neronis* anno mortuus; cui successit *Anianus*, huic *Abilius*, qui omnes superstite *Iohanne* Apostolo, Ecclesiæ illi præfuerunt (*Euseb.* l. 2. cap. 24. & l. 3. c. 13. 21.) *Evodius* *Antiochie*, & post *Iacobum* fratrem DOMINI, *Simeon* *Hierosolymis* sedit; *Polycarpus* *Smyrnæ*, vivente ac vidente illo quem dixi Apostolo, cuius ad *Smyrnensem* angelum (quem ne vestri quidem *Polycarpum* fuisse negant) extat Epistola (*Apocal.* 2. 8.) in quo uno nihil cum carpat, nihil desideret *Iohannes*; ex vestra sententia hoc saltem reprehensione dignum erat, quòd Ecclesiæ illius regimen usurpasset singulariter; non singulari laude alioqui ornandus, si in illo regimine omnia illi cum Colle-

gis & Sympresbyteris erant communia. Quem-  
admodum quod in militia à militib<sup>9</sup> & centurio-  
nibus, inferioribusque ordinum ductoribus pec-  
catur, non immerito tribunis & superioribus  
præfectis imputatur: ita quicquid in *Asiaticis* illis  
Ecclesiis, non modò greges, sed etiam Presbyteri,  
qui Episcopi respectu, pars sunt gregis, deli-  
querunt, nulla ratione uni angelo sive presidii ex-  
probraretur, nisi ejus in coërcendis utrisque, &  
exsors quædam fuisset potestas. *Augustini* patroci-  
nio æqualitatem inter Episcopos & Presbyteros  
stabilitum ire, est accitis *Græcorum* auxiliis *Troiam*  
defendere velle. Ecquis nescit Aërium, discrimen  
hoc abolere conantem, inter hæreticos ab *Augustino*  
relatum fuisse? Divinæ institutionis ideam in  
veteris Ecclesiæ forma agnoscit ipsemet *Calvinus*  
(*Instit.* l. 4. c. 4. §. 1.) Sic scribens. *Tametsi multos*  
*Cantones* ediderunt illorum temporum Episcopi, quibus plus  
viderentur exprimere, quàm sacris literis expressum esset; ea  
tamen cautione totam suam æcononiam composuerunt ad  
unicam illam verbi *DEI* normam, ut faciliè videas, nihil  
ferè hac parte habuisse à verbo *DEI* alienum. Spi-  
ritualis, in Episcopatu, tyrannidis speciem extare  
si putasset, descriptionem gubernationis, qua ve-  
tus usa est Ecclesia, nunquam ab hoc clogio exor-  
sus fuisset.





## CAP. XI.

*De senioribus Laicis.*



O C igitur collyrium, ex purioris antiquitatis, ipsiusque Scripturæ myrethecio confectum, sicuti meis oculis visum restituit; ita & sanandæ priori cæcitati vestræ, quæ quæ aperitissima sunt, non videtis; idoneum & efficax fore confido, siquidem sepositis & in unius veritatis studium & obsequium compositis affectibus, in timore DOMINI, id vobis adhiberi patiamini. Nunc ad alteram cæcitatē, quæ vos tenet, speciem accedo; quæ factum, ut quæ nusquam sunt, videre vobis videamini. Hoc phasma ut discutiamus ac profligemus, nullo argumentorum apparatu opus est nobis: Ecquis enim id, quod nusquam est, manifesta in luce videndum proponat? Nebulæ tantum in quibus picta vestrorum argumentorum phænomena, vel potius idola, falsis vos ludunt imaginibus, nobis sunt difflandæ, ne liquidi Solis adspæctum vobis porrò intercipient.

Fundus ac fundamentum Presbyteriorum illo-

rum, in quibus laicos ac temporarios Seniores, perpetuis verbi divini ministris adjunctos collocastis; est locus Apostoli, 1. Tim. 5. 17. *Qui bene præsunt Presbyteri duplici honore digni habentor, maxime qui laborant in verbo & doctrina.* Hinc Genevenses magistri, quadrata scilicet demonstratione, duplex Presbyterorum genus procuderunt: unum eorum, qui in verbo & doctrina laborant; alterum Laicorum, qui discipline tantum præsunt, idque certo temporis anni puta vel biennii spacio, quo elapso, plerique domestica negotia caussati, munere illo unde commoda nulla percipiunt, sese abdicant. Hoc Presbyterorum genus (quicquid olim visum fueri mihi, quæ ibatur, eunti; quæ eundum, non inquirenti) tandem didici non magis ad Ecclesiasticas functiones vel ordines pertinere, quàm struma, aut tuber, ad humanum pertinet corpus.

Atq; ut inveteratam de pulmone vobis revelam opinionem; primum cogitare vos velim, nulli unquam scriptori Ecclesiastico aut Scripturarum interpreti, peregrini hujus & absconi interpretamenti suspensionem in mentem venisse: quod proinde circiter mille ac quingentos annos, in Heracliti puteo demersum latuit, *Calvino* demum ac *Beze* paruit; qui hac saltem in parte novitatis arcessuntur jure merito. Deinde hoc quoque ad animum vos revocare par est, quòd cum *Paulus* Presbyterii vocabulum semel  
dun-

duntaxat usurpet, 1. *Tim.* 4. 14. nullus ibi laicis Presbyteris vestris locus esse queat. Vult *Beza* vocabulum illud significare, non munus, vel officium, sed cœtum Presbyterorum, manus ei qui ordinatur, imponentium. At hoc *ἡγεμονίας* jus, cum laicis senioribus communicandum, ne vos quidem unquam censuistis; præsertim cum Sacramenti appellationem huic ritui non malè tribui fateatur *Calvinus* (*Inst.* 1. 4. c. 14. §. 20. & c. 19. §. 31.) qui licet non cœtum Presbyterorum, sed munus, sive Presbyteratum, Presbyterii voce denotari statuit; eodem tamen res recidit. Nam ut nemo munus hoc suscipere potest, absque manuum impositione; sic neminem laicum eas cuiquam imponere, fas & jura sinunt. Iam verò cum honoris appellatione, etiam stipendia, Presbyteris de Ecclesiæ ærario persolvi solita, contineantur (ex ipsius *Calvini* & *Beza* sententia) quæ nulla Laicis senioribus sunt constituta, neque ex DOMINI præcepto constituenda, nisi iis qui Euangelium annuntiant, 1. *Cor.* 9. 14. quoniam conciliabitur DOMINICA hæc *διατάξις*, cum illâ Apostolicâ; ex qua (si vestra admittitur expositio) duplex stipendium debetur illis, qui bene præsent etiam si Euangelium non prædicent? Etenim, si ex illo *Pauli* loco vobis colligere licet, fuisse jam tum Presbyteros quosdam, non laborantes in verbo & doctrina; multo rectius & concinnius nobis inde colli-

gère licuerit, duplici honore stipendioque dignos, atque (ut *Cyprianus* loquitur) in sportulantium fratrum numerum referendos esse utrosque, tam qui bene præsunt, quam qui bene docent. Quiq ergo? nullumne d. crimen inter Presbyteros, locus ille *Pauli* innuit? Imo distinguit etiam eos, qui bene præsunt. Nam & inter hos alii aliis sunt potiores, & præsunt melius, non solum *πρωτεύες*, (id est, simpliciter laborantes) sed etiam *κοπιῶντες*, (id est, difficili & ærumnoso labore sese propemodum conficientes) cujuscumque laborem semper ferè Apostolus hoc verbo declarat. Horum in numero erant qui pluribus atque inter se longius dissitis Ecclesiis obeundis ac pascendis destinati, non sine maximis molestiis ultrò citroque cōmeabant; & hostium Evangelii insidiis appetiti, gravissimis sæpe periculis capita sua objectabant; quietiore aliis domi, apud suos, ministerio fungentibus: qui licet minimè obtorpescerent, seduloque munus suum obirent, non tamen iisdem quibus illi, ludibriis ac periculis erant opportuni, aut stipendiis digni. Sic *Paulus* omnibus Apostolis *πρωτότερον ἐκοπίασεν*, 1. Cor. 15. 10. quod citra *κυνδοξίαν*, citra coapostolorum injuriam, ab eo dictum, nemo negat. Quidni & illi Presbyteri huc referantur, qui non modò commissos sibi greges verbo ac vivæ vocis præconio diligenter pascunt, verum etiam præclaris, ac cedro dignis lucubrationibus  
absen-

absētes, ipsosq; posteros erudiunt; eamq; ob causam παννύχοι & πανημέριοι, studiis invigilantes, vix paucillum laxamēti curando corpusculo impertiunt: atq. etiam (ut aiebat *Atbenagoras*) non solum πρὸ ἀληθείας apud suos disseverunt, sed foris quoque ὑπερ ἀληθείας adversus hæreticos subinde pugnātes, quodammodo *θηρομαχῶσι*. Nihil horū dici potest de laicis vestris Seniorib<sup>9</sup>. A stiva, à tonstrinis & sutrinis ad Synedriū progressi, moxq. à synedrio ad priora sua opificia regressi (à quibus, ne in Presbyteratu quidem suo feriantur) nō solum legitima Presbyterorum (de quib<sup>9</sup> *Paulus* agit) stipendia non merentur, sed ne viduarū quidem sportulis digni sunt. Siquidem inter ipsas quoque viduas discrimen servari vult Apostolus, ne quib<sup>9</sup> alia cognatorum & necessariorum præsidia suppetunt, illis oneretur Ecclesia; eoq. minus sufficiat alēdis ταῖς ὄντως χήραις, & μεμονομέναις, tandemq. nec legitimis Presbyteris luculentiora, sive duplicia stipēdia possit exsolvere. Nam ut in militia omne donativum geometrica dividi proportionē solebat; (neq. enim Legionarius Centurioni, Centurio Tribuno, Tribunus Legato æquandus:) ita & in Ecclesia, inter pauperes, qui nullam; & viduas, quæ aliquam sed viliorē; & Presbyteros, qui nobilissimam ac præstantissimam Ecclesiæ operam navabant, subsidii sive autoramenti discrimen utique fuit constituendū. Passonem quendā statuarium ineptissi-

mum, *Mercurios* sculpsisse aiunt, qui nihil *Mercurio* simile, neque intus neque foris haberent. Tales sunt Seniores vestri laici; heri cerdones, hodie Sacerdotes, sed absque *Vrim & Tiammim*; ἐρμαι' ἀμύθητοι, absque ἐρμηνεία. Quibus vix inter remiges in transtris, aut etiam in sentina locus erat; eos ad Ecclesiasticæ navis clavum gubernatores collocatis, & ab Apostolo κυβερνήσις indigetatos, hariolamini; qui exorta tempestate, decumanis in procelloso Oceano fluctibus jactati, neque *Helicen*, neque *Cynosuram* noscentes, ita exclament;

ὦ φίλοι, ὃ γὰρ τ' ἴδμεν ὅθ' ἡὼς, ὃδ' ὅθι δυσμή,  
 ὅθ' ὅθι ἥελιος φαεσίμβροτος εἶς ὑπὸ γαῖαν,  
 ὅθ' ὅθ' ἀνέιται, &c.

Instat tamen vestræ disciplinæ hyperaspistes, & in illo *Pauli* loco λόγον à διδασκαλίᾳ distinguit (ut scilicet judiciosissimum scriptorem a ταυτολογίας vitio vindicer, ne idem bis dixisse videatur) ac λόγον laicis illis senioribus (ne plene sint κωφὰ πρόσωπα) διδασκαλίαν concionatoribus tribuit. Quasi verò non sexcentis locis apud Scriptores Θεοπνεύστis, adeoque apud hūc ipsum vel Synonyma cōnectantur, vel posterior dictio, tanquam prioris exegetica subiiciatur;

jiciatur : quasi non aptissimè exponantur hæc verba [ in verbo & doctrina ] per ista, in Doctrina verbi; ut illud Poëtæ, *pateris libamus & auro*; id est, aurei pateris, ἐν δὲ αὐτῷ. Nempe cum latè pateat vocabulum λόγος, aptissimè restringitur per τὸ διδασκαλία. Sic λόγοι πίστεως, 1. Tim. 4. 6. exponente Beza, nihil aliud sonat, quam, *sana Doctrina*. Idem epexegetin agnoscit Rom. 1. 5. in illis verbis, Gratiam et Apostolatam, pro gratia Apostolatus; vel gratiam, id est, Apostolatam. Nulla igitur in hoc Apostoli loco ταύτολογία, utinam nec in ore vestro φλυαρία.

Quæ ex aliis Scripturæ locis, ut Rom. 12. 8. 1. Cor. 12. 28. testimonia adducere consuevis, tam sunt aliena à laicis illis Presbyteris, ut ne tum quidem cum institutum illud vobiscum probarem, ullis fidiculis hinc aliquid exprimi posse existimaverim. Nam præterquam quod qui testimoniis illis utuntur, functiones Ecclesiæ ordinarias ac perpetuas, cum extraordinariis ac temporariis donis ac facultatibus Spiritus sancti plerumque permiscet; hoc quoque certum est, charismata hæc, non solum viris merè laicis, nulloque, etiam ex vestra sententia, in Ecclesia munere fungentibus; sed quandoque etiam fœminis obtigisse, idque ex vaticinio Joelis quod Petrus repetit (Act. 2. 17.) Non postremum inter ea dona locum obtinet Prophetia : acceperant tamen illud quatuor filii Philippi, Act. 21. 9. Et Paulus quoque



quoque inter porphetantes commemorat mulieres 1. Cor. 11. 5. Quid propriè fuerint illæ ἀντιλήψεις, κυβερνήσεις, δυνάμεις, etsi nemo fortassis hodie penitus intelligat; nemo tamen, nisi qui peponem cordis loco habet, vestros Presbyteros vocabulis illis designari existimaverit, tantisper, dum eos qui ab opificum tabernis, ad illam προσαρίαν ascendūt, neq. extraordinario dono (quod Amos, ex pecuario Propheta factus, accepit) neque ordinario (quod legitimis Presbyteris dari docet Apostolus 1. Tim. 4. 14.) ornatos conspiciet.

Supereſt vobis Ambrosius, nihilo feliciùs laicos Seniores defensurus, quàm suprà circulares vestros præſides tutatus. Sic ille in 1. Tim. 5. v. 1. Apud omnes utique gentes venerabilis est senectus; unde & synagoga, & postea etiam Ecclesia seniores habuit, quorum sine consilio nihil agebatur in Ecclesia; quod qua negligentia obsoleverit, nescio, nisi forte Doctorum desidia, aut magis superbia, dum soli volunt aliquid videri. Verum his verbis ætate, non officio seniores designantur. Hos olim ab Episcopis & Presbyteris propriè dictis, sicubi de rebus majoris momenti incidisset deliberatio, in consilium adhiberi solitos, nec inficiamur, nec ut idem porro fiat, repugnamus. At qui hoc pacto consuluntur, quamvis subacta rerum usu prudentiâ, eruditione, nec non sacrarum literarum peritia (quæ in privato quandoque major, quàm in aliquo Episcopo) egregiè  
sunt

sint instructi; non propterea laici esse desinunt, aut veri nominus Presbyteri sunt. Synogoga seniores, populi iudices ac magistratus erant divino instituto: non tamen in omnibus, in quibus *δύναμις*, seu facultas ad gerendum magistratum idonea, protinus capessendi magistratus erat *ἐξουσία* seu potestas. Sic & in Ecclesia seniores seu Presbyteri, alii sunt institutione divina, in quibus & *δύναμις* & *ἐξουσία* publicè docendi: alii ætate, eruditione, & experientia, qui cum opus est, consuli possunt: Ecclesiam gubernare, ejusque claves, quæ publici sunt muneris, tractare non possunt nisi abdicatis aliis functionibus, sacræ huic militiæ ritè inaugurentur; tametsi senes non modò lex *Moses*, (*Levit. 19.*) honorari jubeat, verum etiam ratio & lex naturæ id dictaverit gentibus; quæ, ut Satyricus canit,

*Credebant hoc grande nefas, & morte piandum,*

*Si juvenis vetulo non assurrexerat.*

De divinæ & naturalis hujus legis contemptu conqueritur *Ambrosius*. Cujus de laicorum judiciis in causis & personis Ecclesiasticis, sententiâ perspicere potestis ex ipsius ad *Valentinianum Imper.* Epistola, (*Lib. 5. Epist. 32.*) ubi inter cætera exclamat: *Quando audivisti, clementissime Imperator,*

rator, in causa fidei laicos de Episcopo judicasse? *Paulus* accitis *Miletum Ephesina* Ecclesiæ Presbyteris, præcipit ut Ecclesiam pascant, *Act. 20. 28.* Si omnes advenerant, omnes quoque mandatum hoc de pascenda Ecclesia acceperunt: si non omnes; cur domi manserunt soli laici illi Presbyteri nullum gregem pascere idonei? Cur nominis societatem adfectant, qui oneris in docendo, (quod propriè est pascere) partem nullam suscipiunt? Quales in *Creta* constitui voluit Presbyteros *Paulus*, tales proculdubio aliis quoque in locis voluit constitui: Illos autem vocat *DEI* dispensatores, tenaces fidelis sermonis, qui possint exhortari per sanam doctrinam, & contradicentes convincere. (*Tit. 1. 7.*) Vobis iidem sunt Presbyteri & Episcopi. At qui neque sunt *δικαιοι*, neque *ελεγκτικοι*, illi *Paulo* nec Episcopi sunt, nec Presbyteri. Cur in *SCOTIA* locus detur pseudonymis istis Presbyteris, qui neque docere, neque refellere possunt (quales in *Creta*, neque tulisset *Paulus*, neque constitueret *Titus* )

*Dic aliquem, sodes, parepiscopo Scote, colorem?*



## CAP. XII.

*De Ingeniculatione in suscipienda Sacra Cæna.*



Estitutis igitur hoc pacto, quos dejectum ibatis Episcopis; dejectisque & expunctis, ex manipulis Ecclesiasticis, insitivis vestris Presbyteris (quorum *τάγμα*, ut vobis hodie, sic & mihi quoddam disciplinae palladium visum est olim, antequam *Saturnias* hasce lenas, istæ, quas nunc candidè impertio, rationes absterfissent) Superfunt jam leviora quædam morosæ illius disciplinae *ἐξανθήματα*, quæ intacta & incurata relinquere non patitur meus ille candor, singularisque in gentem ac nationem vestram adfectus. Præsertim cum intellexerim (restituto jam propemodum illo, quod pauci quidam alastores in Episcoporum perniciem excitarent, incendio) in adiaphoris quibusdam ritibus fomites quæri, & *ἐμπυρίσματα*, quibus sopiti ignes *ἀναζωπυρεῖσθαι* & in redivivam è cineribus flammam revocari queant.

Retenta ab ANGLIS priscorum Patrum instituta, urunt *νεωτεριστὰς*, novandis, quàm gerendis

dis rebus aptiores. Sordent τὰ ἀρχαῖα ἔθνη præ  
 musteis *Genevensium* rhetris. Ferre non possunt  
 illi Eucharistiam à procumbentibus in genua sus-  
 cipi; eandem ad clinicos & moribundos deferri:  
 Baptismū quovis loco & tempore, cū id postulat  
 anceps parvulorū valetudo, administrari: Bapti-  
 zatis ab Episcopo manus imponi: Eximiorū hu-  
 manæ redemptionis beneficiorum memoriam  
 anniversariis diebus celebrari. Hæc (& si quæ  
 sunt consimilia, ad externam Ecclesiæ ἐὺλαξίαν  
 pertinentia) quamvis mihi quoque displicue-  
 runt olim (cum nescio quas *Babylonici* choragii  
 reliquias in illis latere suspicarer) nunquam ta-  
 men tanti sunt visa, ut propterea Ecclesiam scin-  
 dendam, fluctus in simpulo, fulgura è pelui  
 excitanda censuerim; non ignarus in rebus me-  
 diis, Ecclesiæ, imprimisq̃ue Principibus (quan-  
 do hi sunt Ecclesiæ nutritii) concessam à D E O  
 potestatem, hanc politicam ita constituendi, ut  
 generalis ille *Canon* ( 1. Cor. 14. 40. qui in do-  
 mo D E I omnia ordine ac decenter fieri præ-  
 cipit) quàm commodissimè servetur. Cate-  
 rum dum pensiculatus singula considero, non  
 hæc *Papana* μιάσματα, sed illa potius quæ vo-  
 bis fingitis mera esse μορμολύκεια deprehendi.  
 Atque ut de singulis illis capitibus dicamus: po-  
 testne cuiquam sobrio & sicco absurdus aut in-  
 decorus videri ritus ille S. Eucharistiam flexis  
 poplitibus suscipiendi? Non solum indecorus,

inquiunt turbones vestri Demagogi, sed maxime periculosus est; quia manifestam cum Pontificiis artolatrīs, cujusdam contesserationis speciem præbet, & oculis ingerit. Scilicet ignorant ANGLI discrimen quod est inter CHRISTVM & CHRISTI Sacramentum; quod ne Pontificii quidem ignorare videri volunt. Tamen si enim hi panem adorant, non tamen panem adorandum esse diſtitant: ideoque nondum consecratum panem populo ostendi vetant, ne ab imperita plebecula temerè adoretur; sed neque post consecrationem in Transubstantionis tragelapho, accidentia sine subjecto, sed solum CHRISTVM adorari dicunt. Quorsum ergo nova hæc vos incessit Religio, ut vereamini, ne post debellatam Pontificiæ idolomania exectram, populus tot jam annos puriore doctrina imbutus, ob non minus landatum, quàm antiquum hunc γονυκλισίας ritum, in fœdissimum illius Lerne barathrum revolvatur? Longè justior est metus, ne perfractis superstitionis zeli clathris, contemptui & prophanæ licentiæ habenas laxet populus; & dum sacrorū Symbolorum venerationē refugit, ne CHRISTVM quidem adoret. Qui contesserationis cum Pontificiis speciem vitandam clamitatis; longè periculosiorem cum Socinianis syncretismum non animadvertitis. Istis solenne est assidere mensæ Eucharisticæ; genua flectere obstinatè renuunt, ne cultum

DEO debitum, CHRISTO, quem DEVM esse negant, exhibere videantur. Si nefas vobis quicquam cum Pontificiis commune habere, nemo vestrum deinceps sive publicè in cætu Ecclesiæ, sive domi suæ in conclavi orans, genibus incubat. At enimvero piaculum est à CHRISTI exemplo discedere, quem in hoc epulo, non solum non flexisse genua, sed etiam in lecto accubuisse docet historia sacra. Cur igitur vos veterem illam in lectis tricliniaribus cubandi consuetudinem, in sessionem versam tam æquo fertis animo? Reperitur quidem vocabulum  $\pi\omega\delta\acute{o}\nu\iota\pi\tau\epsilon\upsilon\iota$  quod propriè est sedere, etiam accumbendi significatione, ut *Ezech. 23. 41.* ubi mulier  $\sigma\pi\alpha\tau\alpha\lambda\acute{\omega}\sigma\sigma\iota$  in lecto sedere dicitur: CHRISTVM verò decubuisse, & vos urgetis, & IOHANNIS, in CHRISTI Sinu recumbentis, situs; & vocabula  $\acute{\alpha}\nu\alpha\kappa\epsilon\acute{\iota}\theta\alpha\iota$ ,  $\acute{\alpha}\nu\alpha\kappa\lambda\acute{\iota}\nu\epsilon\iota\upsilon$ ,  $\acute{\alpha}\nu\alpha\pi\acute{\iota}\pi\tau\epsilon\iota\upsilon$ , ab Evangelistis usurpata, manifestè evincunt. Cur cætera primæ illius cœnæ adjuncta insuper habetis, neglectis temporis (quod vespertinum) loci (qui privata domus) panis (qui azymus erat) circumstantiis? Cur privatam cœnam prius non sumitis, eaque peracta in secundis demum mensis sacram hanc celebratis? Cur pedilavium, deserto CHRISTI mandato subnixum, omittitis? (*Ioh. 13. 14.*) Neque verò negari potest inter Sacramentales ritus olim usurpatum fuisse  $\tau\acute{o}\ \pi\omega\delta\acute{o}\nu\iota\pi\tau\epsilon\upsilon\iota$ ; antiquatum tandem postquam considerarunt Eccle.



Ecclesiæ antistites, CHRISTVM regionis ac temporis illius ratione habita, nihil aliud præter promptum alacremq. ad quævis mutuæ caritatis & ædificationis officia præstada, animum, hac synecdoche designasse. Quo modo & Paulus Diaconissarum sedulitatem & diligentiam hoc quasi documento explorandam esse docet, 1. Tim. 5. 10. Nimiùm verò in re tam seria, ridicularii sunt, qui in sessionis ritu expressam nostram cum CHRISTO societatis & unionis imaginem cerni nugantur. Quasi verò aut in hoc corporis situ non nisi ad corporis nostri, in vulgaris cibi sumptione, quietem, & refectionem apto, sita sit unio merè spiritualis, ac planè *μυστηριώδης*, aut Iudas quoque (quem mensa sua dignatum Christus, eodem cum reliquis modo accumbere passus est) unionis illius fuerit particeps; aut Christus (jam ad dextram Patris sedens in supremo exaltationis gradu) non minùs hodie presens sit corpore, quoties Eucharistiam celebramus, quàm fuit in illo postremi agonis vestibulo, infimoq; suæ *κένωσης* gradu: aut deniq; sessio non minùs ad Sacramentales ritus pertineat, quàm ipsa symbolorum consecratio, panis fractio, distributio, sumptio & manducatio: quod si qui asserunt, eadem illi *διακονίας* *ἁρρωστία*, etiam lectos tricliniaries, mensamque, Sacramenti partes integrantes esse deinceps asserment.

Sic porro excipitis: Cum vetus traditio vetuerit genua flectere diebus Dominicis, totoq; Pentecostes tempore, quo tamen minimè intermissus fuit usus Cœnæ Dominicæ, satis constat neminem eam de geniculis accepisse. Rectè fanè. Verùm eadem traditio quæ certis diebus genua flectere prohibuit, non sedere, sed stare iussit orantes. Vnde preces, stationes appellatas fuisse observant eruditi; quem morem sublatum esse cum ne vobis quidem doleat, cur displicet ex antiquitate retentus in *Angliam*, eodem corporis gestu ac schemate quo oramus, etiam Eucharistiam sumendi? Certè *Paulum Ierosolyma* proficiscentem paulò ante festum Pentecostes, non stantem, sed flexis genibus orasse legimus, *Act. 20. 36*. Non leviter profecto delirat, cui indecora vel etiam nefaria videtur *γυναικίσια*; ubi non modò decora, sed planè necessaria est oratio, Christi quæ (corpus suum in mysterio manducandum præbentis) adoratio: neque enim minore cultu & veneratione dignus, inter pios is, qui est Deus in secula benedictus, quam prophanis gentibus erant deunculi, quibus in solennibus sacrificiorum suorum epulis, prothymata libantes, ac vota nuncupantes, de mensa surgere, & in genua procumbere solebant, ut refert *Athenaus (lib. 4.)* At enim vero, inquiunt rigidi magistri, fœda est hypocrisis & manifestæ adulationis speciem habet, in hac liturgia, cultu &

& reverentia superare velle ipsos Apostolos, qui cum Domino accumbentes, ne præsentē quidem isto supplicum gestu sunt venerati. Nos verò jam retudimus hoc telum; haud metuendum ei, qui considerarit, ex familiari consuetudine, primisq. tirocinii rudimentis discipulorum cum Domino, in servi forma incedente, cōversantium, & de divina ejus majestate, non magis cogitātium, quàm deinde excitatū à mortuis crediderunt: perperam peti absolutam normam ac Canonem reverentiæ ac cultūs, quo illum jam supra omnes cœlos evectum, nec amplius secundum carnem noscendū, à nobis affici par est, adeo ut necesse non habeamus formam accubitus à Christo usurpatam imitari. Nihilo plus roboris aut coloris habent exempla, quæ adferre soletis (sive Ethnicorum in Idoleis lectisternia agitantium, & idolothyitis vescentium; sive Israelitarū in epulo ac festivitate aurei vituli assidentium) unde sedendi necessitatem in sacra synaxi, exsculpere conamini, propter institutam ab Apostolo comparisonem, inter istā Domini, & illam Dæmoniorum mensam. Itane nihil pensi habetis, nigrum *Theta* præfigere *Gallicanis* aliisq. adamatæ illius disciplinæ consecraneis *Ecclesiis*, ipsi deniq. cōmuni istarum omnium matri, *Genevensi*, ubi nemo sedens, omnes stantes sacra symbola percipiunt? Sed neq. distribuunt ea inter se oī *πατέρες*, de solius Ministri manu ea accipientis; neq. verba illa Christi [*Hoc est corpus meum*]

profert Minister. Sunt qui *Pauli* verbis, *1. Cor. 10. 16.* uti malint; Sunt qui ad nullā certam formulam, tanquam ad solemne carmen sese adstringi patiantur. Videte igitur annon fidem, ritusque, ex personis potius, quam personas ex fide ac ritibus æstimetis; dum quod in *Gallis*, & *Germanis* saltem silentio vestro approbatis, in solis *Anglis* maligno dente arroditis: *Anglis* inquam, qui vobiscum in eadē insula, sub eodem degunt Monarcha, ejusdē linguæ, morum, religionis denique juncti cognitione. Si standum esse censetis orantibus, propter exēpla, *Luc. 18. 11. 13. Jer. 15. 1.* liceat nobis Christi, *Stephani*, *Pauli*, *Petri*, &c. exemplo fretis, inter orandum genua flectere, *Luc. 22. 41. Act. 7. 60. & 20. 36. & 9. 40. Eph. 3. 14.* In lecto jacentes orarūt *Iacobus*, *Gen. 47. 31. Ezechias*, *Isa. 38. 2.* Nempe quia prostratis morbo viribus, neq. genibus incumbere, neq. in pedes erigere se poterant. Interim ille quantum potuit connixus, ac scipione fultus sese exerit, ut externo quoq. corporis gestu honorem exhibere Deo, quod non abs re annotat Script. *Heb. 11.* Quēadmodū igitur terrenorū Principū aulas ingrelluri, urbanitatis leges, reverentiæque Principib⁹ exhibendæ modū ex veteranis Aulæ ministris exquirunt: ita & nos oraturos, in illorū, quos cōmemoravimus, fidissimorū in domo Dei Ministrorum exemplum, tanquam in speculum, intueri; ipsoq. corporis schemate animi demissionem ac reverentiam erga Deum profiteri ac contestari

restari par est. *Damascenus* (De hæres) inter hæreticos recenset quoddā genus hominū, qui ejusdem pertinaciæ cæstro perciti negabant genua esse flectenda orantibus, quos propterea ἀγωνοκλίτας appellatos fuisse ait.

*Vos quoque Principibus permisti his stetis Achivis?*

Non egerunt hypocritas *Moses, Aaron, Iosua*, (*Deu. 9. 18. Num. 16. 22. Ios. 5. 14.*) neque illi 24. Seniores (*Apo. 4. 10*) non genua solum flectentes, sed in faciem procidētes. Si quicquid hypocritæ simulare vel imitari possunt, solentque, abjiciendū & omit-tendū; nō modò ingeniculatio, sed precatio quoq. ac synaxes, totum deniq. Ministerium esset abolendum. In qualibet precum ejaculatione cuilibet semper & ubilibet in genua procidendū esse, nemo putat, nisi fanaticus; At in Synaxi, in Ecclesiastici cœtus liturgia, ubi coram Rege Regum ac Domino dominātium se sistunt subditi, æternaq. supplicia meriti, codicillos veniales, ac restitutionem in integrum supplicibus precib<sup>9</sup> efflagitant; si inæstimabilis beneficii diploma, S. S. sigillo munitum singuli καθ' ἑκάστον accipientes procumbant, et corpore ad demississimi animi significationē cōposito, tū indignitatē suā, tum immēsam Redemptoris bonitatem ac Φίλων Θρωπιαν profiteantur ac testentur; tam illi, apud æquos pietatis æstimatores, ab omni hypocriseos et adulationis specie aberunt; quàm vos à reverentia & obsequio, Deo, Deiq. vicariis Principib<sup>9</sup> præstan-

do, abestis. Nō movet nos rigidum Gnosticorum supercilium, ut nostram cum prisca Ecclesia συ-  
 νατάβασι tueri desinamus. Ejus cōsuetudinem,  
 tum alii, tum imprimis *Origenes*, *Cyrillus* (in mysta-  
 gog.) cōmemorant: ac frustra sunt vestri, imo &  
 secum pugnant ipsi, cum aiunt *Origenem* non de  
 Synaxi, sed de eā, quæ quovis loco ac tempore  
 Christo exhibenda est reverentia agere: ac Cate-  
 cheses illas nomen *Cyrilli* falsō præferre. Verum si  
 quod vos vultis, *Origenes* sibi voluit, sequetur  
 semper & ubique, etiam extra sacram Synaxin,  
 quotiescunque aliqua de Christo, vel in sermone  
 mentio, vel animo cogitatio incidit, in genua esse  
 procumbendum, quod vosmetipsi ridiculum &  
 absurdum judicatis. *Cyrilli* Catecheses nimis levi  
 de causa in suspensionem *ὑποψίας* vocātur: (pu-  
 ta quod in indice *Græcorum* lib. quos Respub. *Au-*  
*gustana* emit à quodā *Corcyreo*, tribuantur cuidam  
*Ioanni Ierosolymitano*) Aliter judicat *Casaubonus*; cuiq.  
 iudicii adstipulatores laudat *Hieronymum*, *Theodore-*  
*tum*, *Photiū*, *Damascenū*, alios (advers. *Baron.* pag. 660)  
 Verum enimvero quia nullum auribus vestris ju-  
 cundū est acroama, nisi quod à *Genevensibus* pho-  
 nascis pronuntiatur; disciplinx vestrx cōditorem  
 audite. Querit ille (*Instit. lib. 4. c. 20. §. 30*) sitne hu-  
 mana traditio, geniculatio, quā repudiare vel neg-  
 ligere cuivis liceat? respōdetq. sic esse humanam,  
 ut simul sit divina. *Dei est*, inquit, *quatenus pars est*  
*decori illius, cujus cura & observatio nobis per Apostolum*

commendatur: hominum autem quatenus specialiter designat, quod in genere fuerat indicatum magis, quàm expositum. Alibi (cod. lib. c. 17. §. 37.) de Cœnæ ritibus agens, dicit, *Eam adorationem esse legitimam, quæ non in signo residet: sed ad Christum in cælo sedentem dirigitur.* Itane ubi legitima est adoratio, cuiquâ mortalium illegitima videri potest geniculatio? An metuendum ne immodicus Christo honos exhibeatur? Facessat verò insanus hic metus, & contrarius potius animos incelsat, ne Papænæ superstitionis odiò, in impium ac Epicureum prolabamur cōtemptum. Olim osculum adorationis ac subjectionis erat symbolum, tam civilis, ut *Gen. 41. 40. 1. Sam. 10. 1.* quàm religiosa, ut *Psal. 2. 12. 1. Reg. 19. 18 Hos. 13. 2. Iob 31. 27.* Non solum agrestis & ἀπὸ φρέκαλος, sed contumax quoq. & impius audisset, qui ritum hunc repudiasset. Quidni eodē carbone notetur, qui receptam Christiano usu γονυκλισίαν petulanti fastidio respuit? Omnino ad has incitas adigimini, fratres Scoti; ut vel Christum in Eucharist. adorandum negetis cum *Arrianis*, vel geniculationem cum adoratione decētissimè conjungi fateamini nobiscum. Paulò acriore scalpro pertundenda fuit ista τῶν βαρυγένων vomica, quandoquidem hic nonnulli supra modum paratragediant, lymphatico terrore omnia complentes, ac reviviscentis in *Scotia* Papatūs hæc quasi signa attolli, brevique omnia in antiquum chaos reditura, μαλὰ παθητικῶς vociferantes: quorum intem-



peries, si nulla sanabilis est parænesi; vereor, ne tandem excita illa, quæ καμπέσιγεν à Poëta dicitur, Erinnys, obstipas cervices, rigidosque poplites, nō amplius flectere studeat, sed frangere incipiat.



## CAP. XIII.

*An Eucharistia ad Clinicos deferenda.*



Vnc cætera quæ supersunt cerebrosi hujus morbi symptomata destringemus. Eucharistiā ad Clinicos deferri, qui nolent, verentur: 1. Ne publica & Ecclesiastica actio transeat in privatam ac domesticam. 2. Ne sacramenti hujus domi potiundi spe, deferantur, aut infrequentiores hiant synaxes. 3. Ne in signis & elementis defixa plebs, salutis fiduciam ab eorum usu suspendat, & quibus viaticum hoc, atque ut Veteres vocabant, δῶρον ἐξίτηλον non contingit, pessimè cum iis agi existimet, cœlestemque gratiam terrenis signis alliger. Hæ rationes mihi quoque olim in vestris castris merenti, apprimè graves sunt visæ, dignæque propter quas mos iste, ubi admissus ejiceretur; ubi nondum receptus, excluderetur. Verum hîc quoque

ἦ' οὐκ; δευτέρως φρονίδας σοφώτερας sensi.  
 Etenim cum tota hæc vita nihil nisi militia  
 sit (teste Iobo, milite exercitatissimo ac fortissimo)  
 & rugiens ille leo, omnes irrumpendi aditus  
 vestigans, tum potissimum prædæ inhiet, cum  
 ægrotus (in postremo agonis sui actu constitutus,  
 diraq. anteaçtæ vitæ peccatorum imagine con-  
 territus) maximè opus habet, quo uno ignita  
 mali illius jacula extinguantur, fidei scuto: quis  
 dubitabit obsecro, omnia admovenda esse præ-  
 sidia & adminicula, quibus quassatus calamus  
 sustentari, fumans ellychnium ali, adfusoq. oleo  
 flammam concipere, in illa que corporis animiq.  
 caligine ac vertigine luculentiùs splendescere  
 queat? Atque ut loquitur Eusebius; ἵνα ἐυέλπι-  
 δεις ἀπαλλάτῃωνται. Est quidem in verbo, ut  
 potentia ad salutem omni credenti, sic summa  
 necessitas, unicuique per ejus semen renascendi:  
 interim tamen qui in carne vivunt, quod pluri-  
 bus offertur sensibus, firmiùs utique apprehen-  
 dunt quàm quod solo auditu percipiunt. Neque  
 enim Dei promissio, sed infirma hominis fides  
 hisce tibicinibus fulcitur. Ac proinde si de rebus  
 merè terrenis, non supervacanea sunt symbola,  
 cum tradita clave, domus; apprehensa gleba, ager;  
 dato annulo, sponsa alicui addicitur; quanto ma-  
 joris momenti est eorum usus in rebus mysti-  
 cis, quarum natura absq. illa variorum typorum ac  
 similitudinis pictura nec in Script. adumbratur,  
 nec

nec à mentibus humanis percipitur? Incommoda quæ òi ἐξ ἐναντίας adducunt, fidi Ecclesiæ antistites nullo negotio amolientur: neque enim sine fontica causa Eucharistiam in privatis ædibus celebrari patientur, aut sanis ac bene valentibus domi eam percipiendi spem vel potestatem facient. Et Pontificiorū errorem (de alligata signis salute, atque, ut *Barbari* loquuntur, de opere operato) re-cta plebis institutione & Catechesi pridē profligatū, tam postico, quàm forib⁹ excludent. Est autem æquius, moveri nos Concilii *Nicæni* Canone XIII. (quem universus orbis Christianus probavit, suaq. antequam Pontificis invaluisset tyrannis, praxi confirmavit) quàm unius *Genev.* Eccl. præscripto. Sic loquitur Can. ille: περὶ τῶν ἐξοδευόντων ὁ παλαιός, καὶ κανονικὸς νόμος Φυλαχθήσεται καὶ νῦν: ὥστε εἴ τις ἐξοδεύοι, τῆ τελευταίᾳ καὶ ἀναγκαιοτάτῃ ἐφοδῆς μὴ ἀποσερεῖσθαι. De his qui vitia excedunt, vetus & Canonica lex nunc quoq. servabitur, ut si quis excedat ultimo & summè necessario vitio minimè fraudetur. Qui mos jam *Nicæni* Concilii tempore vetus erat; cujusq. praxis sūmè necessaria videbatur, lectissimo illi *Episc.* choro, ac floridi delibato; is neq. Pontificius, neq. novitius videri potest cordatis: nuperum potius videbitur *Genevensi* interdictum. Omitto notissimam historiam *Serapionis*, quam narrat *Dionysius Alexandrinus* apud *Euseb. Lib. 6. Cap. 44.*



## CAP. XIV.

*An Baptismus quovis tempore & loco cum necessitas  
postulat sit administrandus.*



E Baptismo quovis loco ac tempore, cum postulat necessitas, administrādo; sicuti eadem est ratio, ita idem iudicium. Quamvis enim gratia salutaris aquæ symbolo non sit alligata; Pastores tamē, Christi baptizare jubentis, præcepto sunt alligati; quod vinculum quisquis *Genevensis* disciplinæ obtentu solvit, hominibus ac cōservis suis servire, quàm Domino obedire mavult. Is rem cum præceperit, tempus ac locū non præscripserit; pessimè Ecclesiæ consulunt ii, qui majorem istarum circumstantiarum quàm ipsius substantiæ rationem habent, & hanc illis, nō illas huic præposterè subjiciunt. Religiosiores scilicet sunt istius disciplinæ Zelotæ, *Paulo*, & *Sila*; quibus nec nocturnum tempus intempestivum, nec sordidus carceris: locus parum honorificus, ad sacri lavacri administrationem videbatur. (*Act. 16. 33*) Quod publici est juris, publicum negotium esse non desinit, ne in civilibus quidem rebus, etiam si privati in ædibus geratur. Ne amplissimus quidē cœtus

cœtus illustriorem promissionem jactare potest  
 eâ, quæ extat, *Matth. 18. 20. Vbi duo vel tres con-  
 gregati fuerint, &c.* Illa verò non minùs exiguo  
 numero,quàm Concilio OEcumenico competit.  
 Quod cum pridē monuerit *Calvinus*, (*Inst. l. 4. c.*  
*9. §. 2.*) mirum est sanè, discipulos ejus hodiè  
 metuere, ne Sacramentorum dignitas ex loci,  
 vel temporis ratione obsolefiat. Quasi verò  
 cum ardentibus persecutionum incendiis, pii in  
 cryptis & hypogæis noctu convenientes, de loci,  
 aut tēporis potius, quàm de rei dignitate solliciti  
 fuissent; aut non singulæ Christianorum domus  
 eodem jure Ecclesiam possent colligere, quo illa,  
 cujus meminit *Paulus*, *Col. 4. 15.* Qui clamitant,  
 publicum nostri in Eccl. ingressûs testimonium  
 esse Baptisinum, ideoq. publicè administrandum;  
 non cogitant, eandem fuisse rationē circumcisio-  
 nis, quæ licet, extra templum facta, nō propterea  
 erat irrita. Excipiunt; circumcisionis notam carni  
 impressam, perpetuum & aspectabile fuisse fœde-  
 ratorum *γνώρισμα*, quale nullū relinquitur in  
 baptizatis. Verumenimvero *Pagani* quoq. nōnul-  
 li fuerunt recutiti, id que de *Colchis* & *Iberis* aperte  
 testatur *Herodotus*. Non ergo indubitatum semper  
 fuit gratiosi fœderis signū aut sigillū, amputatum  
 præputium, quod & aliam ob causam (puta ob  
 enatum fortè ea in parte ulcus) Chirurghi novacu-  
 la præcidi potest. Iniquissimum profectò foret, si  
 nemo deinceps nobis *γνώσις* habendus esset  
 Chri-

Christianus, nisi qui, baptismi sui testes *αὐτόπ-  
τας* magno numero queat producere. Frigidū est  
quod nonnulli hic excipiunt, in *Ecclesiæ* primor-  
diis, ipsaq. ejus generatione tolerabilia fuisse qua-  
dam, quæ post ejus constitutionē ad concinniorē  
revocanda fuerint *ἐνταξίαν*. Scilicet hoc demum  
vobis, ô fratres *Scoti*, *ἐντακτον*, quo moribundis  
infantibus partæ per Christum redemptionis, ob-  
signatio denegatur; & Sacramentorum *ἐκφau-  
λισµος* (non solum in Anabaptistis, & *Schuenfel-  
dianis*, sed etiam in quamplurimis, qui nostri gre-  
gis dici volunt) confirmatur; tandemq. *Epicuris-  
mo* fenestra, aut etiam janua panditur.



C A P. X V.

*De Baptizatorum Confirmatione.*



E baptizatorum confirmatio-  
ne miror institutam à vestris  
vilitigationem, cum ipse *Cal-  
vinus* ritū illum non modò pu-  
riori antiquitati probatū fuisse  
fateatur, sed etiam probet ipse,  
ac restitutum velit. (*Instit. l. 4. c. 19. §. 4.*) Id nempe  
vos urit, quòd negotium hoc curet Episcopus; illi  
Pastori, ex vestra sententia mandādum, qui con-  
firmandos

firmandos antea baptizavit, & instituit, eò quòd non alius eorū ordinarius sit Pastor. At enim verò qui Episcoporum ordinē divina institutione niti didicerunt, iidē Episcopū uniuscujusq. Ecclesiæ, ad suam diœcesin pertinētis, pastore ordinariū ἐξόχως dicendum esse norunt. Quippe cui singularis singularū cura ac sollicitudo incumbat. Ejus partes sunt; universum ovile suum lustrare, atque etiā singulas oves quoad ejus fieri potest, noscere & explorare; vicissim ipse noscendus, omniq. honore ac reverentia prosequendus est ab istis. Proinde hoc confirmandi officium nemini alii rectius & convenientius tribui potest. Siquidem is hoc pacto, non modo ovium suarum, in fidei doctrina captum ac profectum cognoscit; verum etiam pastoreū, particularib⁹ illis gregibus præpositorum, in illis pascēdis sedulitatem & industriam perspicit; ut si quis nō eā, quæ par est, fide ac studio versetur, eo remoto, succenturietur alius spartam hāc diligentius ornaturus. Ne hoc quidem negari potest, hanc in obeundo toto ovili curam, à superioris ordinis ac gradūs pastore susceptam, illis qui examini se sistendos norunt (quibus Episc. bene precatur, impositisq. manibus fidei & aliorū charismatum incrementa, & in gratioso Dei fœdere perseverantiam, conceptis precibus expetit) non leve calcar addere, ut promissū Deo in Baptismo, per susceptores, ac σὺν ἐκνῶς obsequium, se ratū & gratū habere, alacrius testentur, perdiscendisq. cate-



catecheticis fidei rudimentis incumbant studio-  
sius. Cæterum postquã omnia, quæ vestri dema-  
gogi, hac in parte arrodere consueverunt, mecum  
perpendi, non aliam ob causam eos obstrigilare  
animadverto, quàm quòd Episcopatus gradus  
(quem vos quantovis pretiosublatum cuperetis)  
etiam hac in parte suam ex germana Antiquitate  
originem demonstrat. Semper illa has partes Epis-  
copo; nunquam presbytero, nisi de cõsensu Epis-  
copi, mandavit. Prima mali labes, ac πρῶτον  
ⲡⲉϣ̅ⲩⲁ Catharorum, est Episcop. καὶ τὰ ἱερεῖς.  
Episcopum qui salvum vult, de Confirmationis  
ritu litem ei non movebit; nec vanos horrebit  
strepitus, quos hic excitatis, quasi periculum sit  
ne in Papanum transeat sacramentum. Non mi-  
grabit sede sua hic ritus, quantisper sana, ac salva  
manebit fidei doctrina.



## C A P. X V I.

## De Fæstorum Dierum observatione.



Ostremum superest Caput de  
fæstorum dierum observatione.  
Hic vèstri turbones ad conflan-  
dam Anglicanæ Ecclesiæ invi-  
diam, omnem lolliginis suæ suc-  
cum effundunt; ut illa vel Pa-  
pismum, vel etiam Iudaismum  
refodere, fœdaq. utriusq. cadaveris mephiti, Ec-  
clesiam Christi infestare ac incestare, ab imperita  
plebe-

plebecula existimeretur. Igitur hoc quoque sedatis animis, complicatiq. maledicentiæ velis, quid & quale sit expendamus. Primum in cōfesso est (an-  
nuente *Calv. Inst. l. 2. c. 8. §. 32*) alios quoq. dies fe-  
stos, præter dominicū, sacris cōventib⁹ solennes,  
recte dicari, modo absit superstitio. Hoc testimo-  
nio jugulatur utraq. Zelotarū exceptio: 1. quod  
soli Dei sit instituere dies festos: 2. quod, cum  
quarto præcepto sex dierum labor vel imperetur,  
vel permittatur, nefas sit vel quod imperat Deus  
vetare; vel quod permittit, Ecclesiæ eripere. At  
quemadmodum imperium illo præcepto signifi-  
cari, *Calvinus* (cujus vos nunquā defugietis aucto-  
ritatem) pernegat; ita permissionē Dei, Principib⁹  
suum circa res medias jus imminuere, nec *Calvinus*  
nec quisquam sobrius dixerit. Num enim ob per-  
missum hominibus dominium in volucres cœli,  
in pisces maris, & bestias agri; impiæ fuerint leges  
Principum, quib⁹ aucupii, piscationis, & venatio-  
nis libertatē subditis aliis indulgēt, aliis adimunt?  
Nonne in *Genevensi* quoque Ecclesia, præter diem  
Dominicum, statis diebus habentur conciones, &  
preces publicæ, quibus à consuetis operis plebs  
avocatur, & modò antemeridianis, modò pome-  
ridianis horis feriatur? Sed hoc quoq. liquet; dies  
festos aliter olim à *Judeis*, ac post à Papanis fuisse  
celebratos; aliter hodiè celebrari ab *Anglis*. Libera  
sunt apud hos, & per leges licita non pauca, quæ  
apud Pontificios piacula; apud *Judeos* etiam capi-  
talia

talia erant. Non igitur apud nos servile est hoc jugum onusque *δυσβαρυντα*, quale fuit olim sub cultu Levitico. Præterea numerus longè minor, quàm apud utrosque. Nativitatis, Circumcisionis, Paschalis, Ascensionis, Pentecostes, & aliis quibusdam diebus anniversariis, præcipuorum Redemptionis, per Christum nobis partæ, beneficiorum memoriam recolendam esse, judicavit Ecclesia *Anglicana*, idque non suo tantum, sed totius Antiquitatis judicio freta, evidentissimâque insuper ratione mota; ut videlicet plebi excusso (quo ea plerumque torpet) veterno, beneficiorum illorum sensus ipsæ, adeo historia, efficacius inculcaretur altiusque infigeretur. Quotidie istud esse faciendum, oggerunt vestri. Ita est planè. Interim tamen fidi pastoris est cogitare, non modò quid fieri debeat, verumetiam quid fieri possit; quid humani ingenii (præsertim in rudi plebecula) capiat, feratque imbecillitas. Est præterea rerû à Christo in terris *πολλευσιμύων* gestarum, tanta magnitudo ac dignitas, ut omnia simul & semel, uno eodemque die vel conventu tradi & explicare non possint. Sunt quidem illa in Apostolorum, quod vocant, Symbolo comprehensa, & in compendium missa; quotidieque tam à Pastoribus publicè, quàm à pueris privatim recitantur: at non modò veteres, sed vos quoque nobiscum, catecheticas institutiones, non modò utiliter, sed necessario quoque cum Symbolo illo conjungi judicastis; eo quòd neglectis istis exercitamentis ac fundamentis,

nullus, vel perexiguus ex concionibus capiatur  
 fructus. Num igitur integrum *Calvini* Catechis-  
 mum quotidie totum apud plebem exponitis?  
 Si in capita, vel segmenta tributum, aptius &  
 utiliùs tradi existimatis; nolite deinceps nobis,  
 Christi beneficia, statis diebus, gregi nostro  
 singulari cura ac studio meditanda, proponentib⁹,  
 importunè obstreperè. Est autem frigida ac  
 diluta vestrorum magistrorum ratiuncula, cum  
 arguantur, diem Dominicum (resurrectionis  
 Christi memoriæ dicatum; cum primigeniæ  
 creationi respōdeat ἀναλόγως) omnia Redemp-  
 tionis beneficia complecti. Nam neque veteris  
 Creationis beneficium, cuius memoria singulis  
 Sabbathis celebrabatur, aliorum festorum, aut  
 beneficiorum celebrationem exclusit olim; neq.  
 in adulta Novi Testamenti Ecclesia tam firma  
 ac robusta sunt omnia ejus membra, ut non  
 semper longè maxima pars ex lætentibus adhuc  
 cōstās, paulatim de his mysteriis sit erudiēda, per  
 partesque ac gradus indies provehenda; ne sacra  
 doctrina αἰσχροῦς profusa, minimeq. οἰκονομικῶς  
 ad rudiorum captum attemperata, respuatur  
 potius, quàm adbibatur. De die quo Pascha  
 esset celebrandum, nimis acriter rixatos constat  
 Orientales cum Occidentalibus; nec displicet,  
 quod ex *Socratis* historia objicere consuevistis:  
 puta, Apostolos non eadem cura, ac religione  
 definiisse hæc ritualia, qua definierunt dogmata.  
 At ferendum non est quòd, quæ *Eusebius* de  
*Polycarpi* super hac re *Epistolis* narrat, infruniti

Zelotæ mēdaciū inſimulāt; & quaſi todidē *Alexādrī* eſſent, nodos, quib⁹ ſolven diſ impaſes ſunt, auda-  
 cter ſecant; quodq. propter contentiones ea de re  
 exortas, rem ipſam abolendam eſſe ſciſcunt, vene-  
 rādoſq. Antiquitatus canos, projecto ſemel pūdo-  
 re, protervè cōſpuunt. Equidē vix compēſcat quis  
 petulantia ſplenis, dum palmariū illud veſtrorum  
 doctorum expendit argumentum, qui pertendunt  
 vel hinc liquere, ingratam eſſe Deo anniverſariam  
 Nativitatis Chriſti celebrationē, quōd diem illum  
 nobis revelare noluerit. Quaſi verò nos latere vo-  
 luerit, quod eoſſe temporis puncto, quo contigit,  
 paſtoribus in agro excubantibus patefecit per vo-  
 cale Angelorum præconium; *Simeoni* juſto, & *Anne*  
 Prophetiſſæ per Spiritus ſancti inſtinctum; Sacer-  
 dotibus per Scripturæ oraculum; *Magis* per novæ  
 ſtellæ exortum; *Herodi* per *Magorum* teſtimonium.  
 Quaſi nō potiùs vel hominum accuſanda ſit incu-  
 ria (qui diem hunc in Eccleſiaſticis monumētis an-  
 notare inſuper habuerunt) vel temporum deſtenda  
 injuria (quæ ſævientibus perſecutionum incendiis  
 non pauca Eccleſiaſtica antiquitatis *καίμυλιν* no-  
 bis abſtulit.) Olim Eccl. feſtum hoc celebrabat 6.  
 die *Ianuarii* (qui aliis *Epiphania*, aliis *Theophania* di-  
 ctus) poſtea die 25. *Decemb.* celebrari cœpit. *Chry-  
 ſoſtomus* in *hom. de die Natali*, ait, nondum 10. annos  
 elapſos (quando eam concionem habebat) ex quo  
 primū is dies illi Eccl. innotuerat. Ab eo tēpore  
 in 6. *Ian.* adventum *Magorum* & Baptiſmū Chriſti  
 inciditſe pleriq. crediderūt. At enim vero, inquiunt  
 veſtri, jurejurando cautū fuit in *Scotia*, ne alii, præ-

ter Dominicum, dies posthac isthic essent *εορτα-  
σιμοι*. Respondeo; temerariorum juramentorum,  
sicut & superstitionum votorum laqueos malè ne-  
cti, malè injici cōsciētiis; injectos rectiūs abrumpi  
& excuti, quàm adstringi. Sed neq. silentio prater-  
eundum quod in ipsa Eccl. vestrae Confessione ha-  
betur, unā nempe eandemq. Ecclesiasticā politiam  
omnibus locis, temporibusq. minimè convenire:  
Ritus autem humanitus institutos, siquando Eccl.  
ædificationi non sint cōmodi, posse ac debere im-  
mutari. Cæterum longè tetrius est virus illud, quo  
nonnulli ex vestris Ecclesiam Anglicanam perfun-  
dere, & cōspurare ausi; quasi ea, ob retentas quas-  
dam (Apostolorum & Angelorum nomina præfe-  
rentes) festivitates; dies illos creaturis, non creatori  
cōsecratos statuatur: atq. hic omnia amarulentissimæ  
calumniæ vela panduntur, ut Angli tanquam mani-  
festarii idololatræ, ἐπ' αὐτοφώρῳ deprehēsi, apud  
omnes reformationis consecraneos traducātur. Est  
quidem insignita hæc injuria, at oppidò puerilis  
κακότης & αἰσχρολογία. Si creaturæ alicujus nomenclatura, ido-  
lolatricam reddit festi dici celebrationē, quasi crea-  
turæ illi, cujus nomen præfert, sit dicatus; quid ob-  
stat, quò minùs *Moses* aut etiam *Deus* ipse populo  
*Israelitico* idololatriæ fuerit auctor? Ejus jussu cele-  
brati dies Azymorum, Tabernaculorum, Primitia-  
rum. Ejusdem κόμματα & erant Encæniam; dies Pu-  
rim, sive sortium, à *Mardocheo* instituti, *Estheræ* edi-  
cto confirmati. Nemo tamē hætenus ita insanivit,  
ut panibus, tabernaculis, frugibus, aut sortibus dies  
illos dicatos fuisse putarit. Excutiatur Liturgia An-

glicana, præcelq. per illos dies recitari solita, vel ad Genevensis disciplinæ libellam appendantur; nulla nostrorum antistitum idololatria; sed magna quorundam demagogorum vestrorum sycophantiaprehendetur. Nō dissimulandus est hic desultorius Zelotarum andabatismus, dum Encæniam modò à Zorobabele, Prophetica auctoritate instituta; modò Pharisaicum inventum fuisse hariolantur. Zorobabelem populi ducem à Prophetis ἐφθαλμοφανῶς distingui legimus, *Esd.* 5. 2. Festum autem, quo de agimus, à Iuda Maccabæo, tanquam Principe, post recuperatam urbem, ac repurgatum templū fuisse institutū, ex *Talmude* docet copiosè *Tremellius*, in *cap.* 10. *Iob.* Festum Purim queq. alii à Mardocheo, tanquam Propheta, institutum asserunt; alii dieb<sup>9</sup> illis non festum aliquod celebratum; sed hilaria agitata fuisse ἡ δαΐζοντα. At Mardocheum Prophetam fuisse, dicunt, non docent Zelotæ: & cum ejus tribum, genus, deportationem, & in educanda nepti curam, ac diligētiam, aliaq. minutiora tam prolixè exponat Scriptura, *cap.* 2. v. 5. quis nō miretur, prætermisum, quod erat præcipuum? Quod Prophetica auctoritate fit, Regiam nō desiderat: quorsum igitur accessit illa *Estheræ* reginæ ἐπικύρωσις, ad lumen Soli fenerandum scilicet? Libri illius scriptorem fuisse Mardocheum; qua facilitate adfirmatur, eadem negatur ab illis, qui cum vel *Esdra*, vel *Ioachim* Pōtifici, vel viris magnæ Synagoga tribuunt. Porro festos dies hilariter celebratos fuisse, nemo nescit: sed nec hilaritas festivitatem, nec festivitas religionē sive religiosam beneficii divini celebra-



tionem excludebat: pueriliter & ineptè opponuntur, quæ rectius componuntur, & subordinantur; nisi quis putet, *Iudeos* non Deo, sed *Cereri* tantum & *Baccho* per illos dies litare consuevisse. Sic enim à *Baccho*, qui *Σαβάζι* & dicitur, *Iudeorum* *Sabbatha* dicta conjectat *Plutarch.* (in *Symposiacis.*)



## CAP. XVII.

## PERORATIO.



Aberis, Fratres *Scoti*, mutatae à me sententiæ rationes, violatiqu. à turbulentis ingeniis, Ecclesiastici regiminis vindicias. Constantiam in me qui requirit, is eam in veritatis defensione præstandam; pertinaciam verò cum errore, simulac vanitas ejus innotuit, abjiciendam esse meminerit. *κρεῖττον παλινδρομεῖν ἢ κακῶς δραμεῖν.* Nō est indecora aut turpis hæc palinodia; sed generosa, omniq. laude digna *παρρησία*, qua magni Veri majestas asseritur, & in tuto collocatur. Vt salubrius, sic & gloriosius est, à veritate vinci, quàm vanitatis telo (quod semper imbelles, sine ictu) veritatis umbonem adpetere. Obtegi potest hic Sol, & ab incubantibus nebulis obscurari; obteri & extinguere non potest. Equidem nihil de *Calvini*, *Bezae*, & aliorū Theolog. (qui fortiter pro Ecclesia Dei adversus cōmunem hostē præliati, magnum nomen sibi pepererunt) laude detractū volo.

Hoc tantū vos monitos volo, eam (quæ alios complures in errorē impulit) ἀμερίαν τῆς ἀνδολεχῆς, immoderatum omnia in contrarium trahendi studium, etiam illorum oculis glaucomam obduxisse; ut Eccl. ritē emendari, & in integrum restitui posse haud putarent, nisi totā ejus faciem (quam sanctissimorum Episcoporum, & Christi martyrum monumenta nobis spectandā exhibent) una litura inductam delerent; novamq. (ac priscis seculis inauditam, nulli ex antiquis Patribus notam) ex suo ingenio effingerent, suo penicillo exprimerent; sublatiſq. Evangelici ministerii diversis gradib⁹, veterem politiam nō tam reformarent, quā deformarent ac penitus pessundatam abolerent. Intuemini mecum paulisper, prōximos illos Apostolorū successores (viros Apostolicos olim dictos) *Polycarpū, Ignatium, Irenæum*, nec non *Cyprianum*; ac deinde paulo remotiores, *Basilian*, utrumq. *Gregorium, Nazianzenum*, & *Nysenum*; *Chrysost.* *Ambros.* *August.* aliosq. hujus notæ Episcopos, tāquam capitis reos, & occupatæ in Eccl. tyrannidis postulatos, ad *Genevenſe* tribunal sisti; in illo laicorum Seniorū *Areopago* urnam moveri, missisq. in suffragia egregiis istis *Quiritibus* (laniis, inquam & cerdonibus) psephisma fieri, eximios illos, quos cōmemoravi proceres, non Dei servos, non Ecclesiæ Pastores; sed tubera ac strumas in mystico Christi corpore fuisse, *Genevenſi* novacula recidendas; æ qualitatis, quam inter verbi Ministros esse decet, inimicos; libertatis oppressores; Antichristi non tantū præcursores, sed etiam progenitores. Impius olim juvenis corā *Tiberio Vi-*

*bium Serenum* patrem suum ab exilio retractum, il-  
 luvie ac squallore obsitū, maiestatis arcesseris, torvo  
 intuitu patris, vinculorumq. (quæ, causam dicens,  
 quæiebat) strepitu ita exterritus, ac consternatus  
 fuit, ut omiſſa accusatione aufugerit (*Tac. Annal. li 4*)  
 Mirum profectò tali tantorum heroum reatu, nihil  
 obstupefactum *Bezan*, constitutū à *Genev.* prætorē  
 vadimoniū obire, quàm deſerere maluisse; causaq.  
 peroratâ, illos humani Episcopatus conditores; Sa-  
 tanici obstetrices pronuntiaſſe. Quid autē viris illis  
 Apostolicis animi fore putatis, si (in vitā mortalem  
 redices) intuerentur exſanguē illud (*μονόγραμμα*  
 ac planè *ἀλλοκότον*) Ecclesiæ (*Allobrogicā & se-*  
*milacera lacerna malè tectæ*) corpus, aut potius si-  
 mulachrum *σκελετῶδες*? equidem quovis sacra-  
 mento contendere auſim, majorem ſenſuros dolo-  
 rem, quàm si *Apelles* Venerem suam *ἀναδυομένην*; aut  
*Protogenes* *Ialysum* suum cæno oblitū, ac sputis fœ-  
 datum adſpicerent. Dicerent hoc unum egisse *Gene-*  
*venſes*, ut pulcherrima illa ab ipsis Apostolis consti-  
 tuta politia, cum *Augusti Ajace* in spongiam incum-  
 beret. Quantò ſatius fuerat, veterum illorum (qui  
 quò propius ab Apostolorū temporib⁹, longiusq.  
 à ſequentium ſeculorum corruptelis abſuerunt, eo  
 ſanctius ac religioſius arvom dominicum excolue-  
 runt) iudicio aliquid tribuere, quàm omnia ab illis  
 inſtituta tanto ſaitu, ac ſupercilio contemnere? Sal-  
 tem extrema illius Politix lineamēta ſervaſſent; &  
 quæ vetuſtate obſoleverant, aſperſis i. ſdē, qui olim  
 fuerant, colorib⁹, renovaſſent; nō autem omnia pe-  
 nitus deſciſſent, *Ibraçium* illum ruſticum (vites non

putantem, sed stirpitus evellentem) imitati: quæ ratione, quæ abusu aliquo cõtaminata erant, non repurgarunt; sed (effuso cum fecibus vino, cū amurca oleo; abjectoq. cum scoria argento) rē perdidērūt, totumq. Ecclesiasticæ politicæ patrimoniū decoxerunt. Morositas & αὐτάρκεια istorum zelotarum obstitit, quo minus reformationis negotium æque feliciter in *Gallia*, ac in *Anglia* & *Germania* successerit; dum illi priscae Ecclesiæ ritus (et si superstitionibus quibusdam inquinatos) permiscere confunduntq. cum illis, quæ manifestam habebant impietate, ac prorsus erant immedicabilia: quo pacto omne discrimen sustulerunt inter justas ac necessarias secessionis nostræ ab Eccl. *Romana* causas; & adiaphora illa, propter quæ nemo veritatis ac pacis studiosus, scissuram hanc facere aut suadere sustinuisset. Signum crucis (quo ab omni ævo, tanquã Christianismi quadam tessera, adspectabiliq. quodam symbolo usi fuerant pii) ex sacramentorum celebratione proscriptum, suspicionē movit imperitis, ipsi Christianismo bellum indici à novis illis *Harmostis*. Varios & multiplices circa illud signum abusus non ignorarunt Reformatores Ecclesiæ *Anglicanæ*; sed abusum ab usu distinxerūt. Norunt miseros idololatrias ipso Dei verbo, sacra Scriptura, oratione dominica, in battologicū quoddam carmē conversâ, abusos; sacramēta quoq. Baptis. & Eucharistix, adpersis sordibus inquinasse; non tamē eam ob causam ista omnia è domo Dei, tanquã mera retribumenta esse everrēda. Scavi, saviq. sunt medici, qui omnia in quovis morbo μαλαγματα aspernantes,

sectionibus tantum & ustris utuntur. In Sacrorum celebratione vestes sericæ, auro intextæ, acu pictæ, Catharis sunt Papismi γυρίσματα, vel saltē ἐπει-  
 ρια; nempe, quia res medias ab iis, quæ natura sua mala sunt, discernere aut nequeunt aut nolūt. Quæ sub cruce gemunt Ecclesiæ, & à Tyrannis oppressæ exaustæq. vix alendis pastoribus & pauperibus sufficiunt, præposterè profectò ac prorsus stultè agerent, si non minùs studiosè ornamenta illa, quàm necessaria vitæ subsidia pararent. At quæ beata pace fruenter, omnibusq. copiis circumfluentes sub religiosi, & munifici Principis umbra suaviter quiescunt (qualis universæ jam *Britannia*, eximio *DEI* munere concessus Rex *Iacobus I.* omnium quos Sol adspicit, atq. à multis retro seculis adspexit, Regū religiosissimus, sapientissimus, munificentissimus; omnibus denique tum naturæ, tum gratiæ conser-  
 tis inter se, atque exaggeratis dotib⁹ ornatissimus) tales, inquam, Ecclesiæ, sicuti ædes sacras altius struere; ita & decentius instruere si cupiant; nulla id verat religio: neque verò pius Ecclesiæq. nutricius Princeps, cedrinam cum  *Davide*  domum sibi habens, habitansque, regioq. apparatu omnia circum se splendere cernens; arcam Dei à sordidatis ac pannosis Ministris tractari, æquo animo ferre potest (licet non ignoret, Regnum Dei non magis in pretiosa veste, quam in esca aut potu situm esse) Quis nescit aliam in *Ægypto*, ac deinde in deserto; aliam in *Cananitide* sub *Salomonis* regno, fuisse externam Ecclesiæ faciem? Quod superstitiosis olim ritibus fuit pollutum, non minùs rectè piis usibus

dicari potest, quam *Aegyptiorum* aurea & argentea supellex in sacri Tabernaculi instrumentum fuit conversa. Quomodo Christum honoraturi fuerint *Pilatus*, *Herodes*, aliiq. seculi principes, si dominum gloriæ agnovissent, vel hinc conicere est; quod *Tiberius*, de rebus Christi; sive à Provinciæ præsidibus edoctus, sive aliqua crebrescentis de eo famæ aura adflatus, de ipso in Deorum numerum referendo cum Senatu egit (ut testatur *Tertullianus*, *Apollog. cap. 5.*) Cur autem ab omni splendore & seculi pompa abhorreret Christus, non hæc solum causa fuit, quod spirituale regnum conditurus venerat; verum etiam ut affectati à se regni terreni suspensiones vitaret, & calumnias dilueret; tralatitiumq. illum, de regno Messiae in discipulorum quoq. suorum pulmonibus hærentem errorem maturè elideret & averruncaret; tametsi non solum effusi nardi odorem, sed etiam acclamationes ac plausus totumq. illū turbæ in occursum effusæ, cum urbem ingrederetur, honorem sibi delatum, gratum, ratumq. habuerit: ista qui (vel præjudicio, vel livore excæcati) nō cernunt; nec quantum inter *Pharaones* & *Salomones*, inter *Diocletianos* & *Constantinos*, discriminē sit, attendunt; in Episcoporum comitatum, & (quas piorum Principum munificentia ipsis contulit) opes ac dignitates, popularibus & tribunitiis concionibus invehuntur; atque ut musæ

*Labuntur nitidis, scabrisque tenacius hærent,*  
omnia quorundam Episcoporum (qui sacris opibus ad luxum abusi, in sacro munere parū sanctè versati sūt) *πλεονεχίματα*, aliaq. flagitia studiose con-

gerunt, populiq. auribus ingerunt; quasi qui *Episcopalem* gradum tuentur, iidem *Episcoporum* vitiis patrocinetur; nec quicquam interlit inter *Aegyptiorum* ulcera & eorundem spolia, ad Dei cultū translata. Vicia erūt, donec homines: ab illis *Ministri Genevenses* nō magis, quā *Episcopi Anglicani* immunes. Nemō horum in ea fuit sententia, ut opes ac honores cum *Episcopatu* necessario nexu coherere existimaret. Nostri dicunt res medias esse, quales plerūque sunt ceremoniæ, quibus *Cathari vestri* tanta animorum obstinatione ac pervicacia obluſtantur. Vos nō medias, sed nullas esse vultis; aut saltē ex cuiuslibet privati arbitrio (prout vitiosa libido fecerit auspiciū) vel usurpādas, vel impunē calcādas. Quasi verò rerū mediarum usus promiscuæ privatorū petulantia sit prostituendus, non autem Christianorum Principū prudentia & auctoritate circumscribendus; nec eadem horū in ejusmodi rebus sit potestas, quæ fuit olim *Davidis, Salomonis, Ezechia, Iosia*, aliorumq. in cōstituenda *Israelitica Ecclesiæ* ἐν τῇ ἑξίᾳ, Principum: aut Christus cœleste regnum illis largitus, terreni regni jura ulla ex parte imminuerit ac labefactarit; graviusq. ferat hodie, pientissimum Regē *Iacobum, Britanicae* ut *Reipublicæ*, sic & *Ecclesiæ* Caput appellari, quā id olim tulit, cum impius ille *Saul* omnium *Israelis* tribuum (extta quas illius ævi Ecclesiam qui quærit, naviget *Anticyras*;) Caput, ab ipso *Samuele* indigitaretur. 1. *Sam.* 15. 17. In populo regnoque cuius Reges Christo nomen dederunt, unus idemq. est *Reipubl. & Ecclesiæ* finis ac scopus, sempiterna vi-



delicet beatitudo. Non potest autem stare, ac salva esse Respublica (sive ea sit Christiana, sive à Christo extranea) nisi τὸ κρείττον, τὸ κυριον, id est, suprema potestas numero sit una: quæ penes Principem cum sit, cui dubium esse potest, quin ille à Deo (cujus imaginem, vicemq. in terris gerit, utriusq. legis tabulæ custodem ac vindicem se constitutum gnarus) potestatem habeat, externum illud Eccl. regimen moderandi? Non sanè ut in verbo & fidei norma quicquam mutet, aut ipsemet Ecclesiam verbo & sacramentis pascat; sed ut ab idoneis & legitimis Ministris pascendam curet; caveatq. ne vel ab hæreticorum veneno, vel à schismaticorum factione ac petulantia aliquid detrimenti capiat. Olim pii etiam *Ethnicum* Principem (ex *Tertulliani*, imò totius Eccl. sententiâ) colebant ut hominem à Deo secundum; & quicquid est, à Deo consecutum; solo Deo minorem; quis igitur furor, quodnam hoc *τίρας*, subditos Christi doctrinam amplexos, Principi (pietate, sapientia, ac doctrina tatum alios Principes supergresso, quantum alii Principes potentia & magnitudine antecellunt privatos) in rebus (ex sua ipsorum sententiâ) mediis (nullamq. fidei partem attingentibus, nedum labefactantibus) obsequium denegare, Ecclesiam scindere, Rempub. turbare, quamvis deniq. Camarinam movere malle, quam intra legitimi officii cæcellos ac septa quiescere? Nimirum est hoc ægri proprium, nihil diu pati, & mutationibus pro remediis uti. Verum atra, quæ vos agitat, bilis quietem poscit; quæ si vehementiore motu ac discursatione incandescat, exitium adferet. In magno

corporis cruciatu unum hoc est solatium, quod necesse est, desinat sentire æger, si nimis sentit; aut enim extinguit dolor, aut extinguitur: verum animi ille, qui vos concutit morbus, tantò est periculosior, quantò minùs sentitur. Non intelligitis nimia ista altercandi libidine, cum veritate charitatem quoque amitti? Cum inferiore certare inglorium, imò sordidum est; cum æquali, anceps; cum superiore, furiosum. Quid igitur erit, cum supremo suo Principe, de rebus mediis & indifferentibus contentionis funem trahere? Sunt quidem pleraque illa, de quibus lis ferver, adiaphora: obsequium verò quod in his talibus regi debetur, nō adiaphoris, sed prorsus necessariis est annumerandum. Ne cum æqualibus quidem hujus rixæ ferram tam diu per eandem lineam reciprocassetis, si Apostolicum illud monitum mentibus vestris infixum obversaretur: *Si alii alios mordetis & devoratis, videte ne vicissim ab aliis consumamini: (Gal. 5. 15.)* Excutite tandem insanum hunc zelum, quo siderata pectora, divina, humanaque monita respuunt. Cogitate Sereniss. Regem non modò *μακρόθυμον* esse, sed etiam *μακροχρεά*; ac periculum esse, ne demagogos vestros ignem hunc procacis linguæ calamique gladio fodientes, ultore illo, quo Deus ipsum accinxit gladio compescere, sicuti potest, ita etiam, consumptâ patientiâ, velit. Desinite *θυμομαχείν*, imo & *θεομαχείν*. Nolite tumultum adversus Regem impuberem, & in cunis adhuc vagientem olim à patribus vestris excitatorum, memoriam renova-

re; adjectaque recenti contumacia, lutum luto purgare; sed promptissimis potius erga maturum ævi, & jam canescentem, obsequiis fœdam illam maculam eluite. Desinite civium & fratrum vestrorum quietem sollicitare; nefariasque *Sinonias Iesuitarum*, obedientiam Principibus negantium, artes ac molitiones in Ecclesias, reformationem professas, traducere. Desinite hanc Evangelicæ doctrinæ stellis nebulam spargere candidis; finite τὸ φῶς ἐν τῇ σκοτίᾳ φαίνεσθαι: & quæ de obedientia Principi debita, populo præcepta traditis, exemplo vestro sancite; alioqui ex ambone verba non facere, sed dare videbimini. Denique paræneticon hoc collyrium, non à medica magis, quàm amica manu vobis adhibitum, candidis, & à turbido affectu vacuis animis accipite. Sicubi id oculos pupugit; cogitate, *Tobiam* non nisi illiti fellis acrimonia & mordacitate visum recepisse. Medicorum filii πικρὰν πικροῖς κλύζουσι φαρμάκοις χολῆν. Funestus dulcis lactis haustus, sopiti *Sisera* oculos ferreo clausit somno. Erit hoc si velitis, salubre languoris vestri remedium; erit, etiamsi nolitis, publicum mei erga vos amoris testimonium.

F I N I S



